



四百三四獸六  
四百三五獸七

類函  
百九四

1 3  
427  
194





新金圖書

此係八明治  
月八年八  
卅八明治  
所購以贈

新金圖書

淵鑑類函卷四百三十四

獸部六馬 駒駘

馬四

原六種

之六種

六繫

周禮六繫為

不利於主

載記曰

的盧般浩

不以不

列於主

勸賣

不鬻於市

庾嶷遁世不

習馬

鬻者恐傷人

步馬

左傳於人

師見夫人步馬者

謂調習也

班如易

習馬

貳師至敬煌拜習馬二人為

翰如翰如

班如易

班如易

班如易

班如易

班如易

馬班校尉以破宛擇取善馬

減穀食

漢詔水旱令太

齊飲食

齊飲食

齊飲食

齊飲食

其飲絕足

駿足

駿足

駿足

駿足

駿足

駿足

相得過詳都注

季春遊

牝

牝

牝

牝

牝

獸部

淵鑑類函卷四百三十四

馬

注騰馬躍也遊仲夏別群遊月令仲夏孟春焚牧  
 焚陳仲春通淫也惟埋禮敵惟不棄馬牲周禮  
 草也子家曰從者病矣請惟埋為埋馬也  
 祭以食之乃以禮謂賣買磨自給許靖字文林不得  
 販自業後漢吳漢字子顏業六月齊侯與御克蠶於  
 逸不能止左傳成公二年六月齊侯與御克蠶於  
 不可禁未見芻也見則動不可禁然仗內六開志武  
 后萬歲通天元年置仗內六開一曰飛龍二曰  
 祥麟三曰鳳凰四曰鸞五曰吉良六曰出群曰狂馬  
 八馬飛龍殿外號南衙立仗馬官不觸木不觸木雖聾蟲  
 而不自陷不須鞭致馬目雜則馬暝眩欲死故凡馬皆  
 又況人乎

畏之名曰馬見愁宣宗時國人獻其皮帝  
 賜羣臣編為馬鞭一揚即走謂之不須鞭  
 輒放此馬于其上海周圍于餘里中有小山其俗至冬  
 因生馳騁日行千里綠野馬五代史回紇護蘭馬  
 故特稱青海驄馬撒豆驄廣興記曰唐鄭馴驛  
 白馬也亦曰玉面馬  
 馬駑馬後故古之御者駑馬以鞭為主駑馬則喜  
 細馬麗馬六典曰凡馬有左右細馬以別其麗良以數  
 稱之監健馬杜牧傳曰山東產健快馬通鑑快馬健  
 一馬八十年朝野僉戴曰德州刺史張訥之一馬  
 從給事中改德州刺史入為國子祭酒出為常州刺史  
 其馬猶在計八十年一里更二馬李蟠畜馬甚多出  
 獸部肥健驟脚不散

遊則一里更二馬人籍馬左傳賦車籍馬籍疏其  
 借供應可逮十家籍馬毛色歲齒以備軍用也  
 閱馬宋太宗至道元年御崇政殿閱馬又明制元旦大  
 宗伯執事官中極殿行禮畢奏曰請上看賞馬汲黯  
 馬朝畢御馬監從會極門引馬入中左門賞馬汲黯  
 縣官無錢驕馬雅俗稽言曰唐武宗懿將兵遇敵而  
 從民賈馬驕馬雅俗稽言曰唐武宗懿將兵遇敵而  
 蜀馬既低小而又臨塔為高乃能躍上也通典曰  
 武舉制土木馬于里間教人習騎謂躍上馬也  
 化人綱鑑周宣王三十馬生人洪範五行傳曰秦孝  
 生人非其類也必有非姓者後以呂易羸此非姓也又  
 後漢書曰光元和年京師馬生人京房易傳曰諸侯好  
 伐厥妖變人面未來之河間人趙廣家槽上馬忽  
 馬生人變人面未來之河間人趙廣家槽上馬忽  
 變作人面大驚問安安曰此大惡也宜去家三里披髮  
 大叫即可免之廣如其言合家走出堂屋崩倒不損一  
 人作人語作人語且曰蘆荻花此花開後路無人忽

海馬徐鉉至飛虹橋馬不能進裂斷轡僧贊寧曰下必  
 骨積薪三日焚不水馬山海經曰滑水中多水馬如  
 毀以糟漚之遂爛水馬而文臂牛尾其音如呼  
 得玉馬真定縣遇大雪平地數丈雪融不積怪而掘之  
 荆州刺史殷中許上表獻之渚宮故事曰宋沈攸之為  
 視邊伺之見一白駒以綠繩縛腹趨如飛掩之不及  
 以綠繩穿之臥輒置枕下夜或失所在旦璞馬尸子  
 則如故視其蹄果有泥跡後不知所在璞馬曰人  
 言君天下者騏驎青銅馬一酒陽雜俎曰孝億國界有  
 龍而堯素車璞馬青銅馬一酒陽雜俎曰孝億國界有  
 屈前足在室中後足入土自古數有穿視竟不及其蹄  
 每歲自為河中後足入土自古數有穿視竟不及其蹄  
 俄復入水存心錄曰宋高宗二十六年城都縣  
 地出銅馬三尺工制甚精中宵風雨忽聞斷聲  
 石馬即昭陵石刻六駿也金石泥馬葛洪神仙傳曰  
 鼎鑿類函卷四百三十四

以泥作馬日行千里唐馬總大唐奇事曰京洛富人  
王武者媚於豪貴忽知有人貨駿馬遂急令人多與金  
帛于衆中爭得之其馬白色如一團美玉其鬃尾赤如  
朱馳驟之駛非常馬得及王武將以獻大將軍薛公乃  
設以金鞍一勒後化爲一泥塑之馬立焉武大驚訝遂  
度中大嘶一聲後化爲一泥塑之馬立焉武大驚訝遂  
焚毀之南渡錄曰康王徽宗第九子質于金間道奔  
竄倦息崔府君廟夢神人曰金人追騎且至王宜速去  
已備馬門前候矣王驚覺馬已在側王躍馬南馳一  
日行七百里河既渡而馬不前下視之乃泥馬也  
竹馬 郭伋遷并州牧行部到西河有兒  
童數百各騎竹馬於道迎拜 紙馬 閑窓括  
三山曾先生陟嘗寓館于陳氏七載音信不通夏月獨  
處一室有道人自吳山來謂之曰子思鄉之切何不  
歸陟曰水陸三千里幾時得到道人剪紙爲馬令合眼  
上馬以水噉之其疾如飛祝曰汝歸不可久留須臾到  
家門戶如舊妻令入浴易新衣陟曰吾便去妻曰纔歸  
便去何不念父母妻子乎陟便上馬而行所騎馬足折  
驚寤乃身在書館中隨身衣服皆新製者道人亦不見  
惟留一藥籃中有詩云一騎如龍送客歸銀鬃忽耳步

相隨佳人未許輕分 馬鬼 抱朴子曰按九鼎記及青  
別不是仙翁那得知 靈經言人物之死俱有鬼  
也馬鬼嘗以晦夜 馬寶 起世經曰轉輪王有紺馬之  
出行狀如炎火 澤頭黑髮披有神通力騰空而行日初出時  
乘此馬寶周流大地還至本宮乃始進食

馬五

**原詩** 漢武帝伐大宛得千里馬名蒲梢作歌曰天馬來  
兮從西極經萬里兮歸有德承靈威兮障外國涉流沙  
兮四夷服 漢天馬歌曰太乙貺天馬下沾赤汗沫流  
赭志倣儻精權竒籥 浮雲瞻上馳體容與世 同起越  
也 萬里今安匹龍爲友 又曰天馬來從西極涉流沙  
九夷服天馬來歷無卑徑千里循東道天馬來開遠門

獸部

尚書卷四十三

馬

竦予身逝豈崙天馬來龍之媒遊閭闔觀玉臺 古歌  
詩曰平陵東松柏桐不知何人劫義公義公在高堂下  
交錢百萬兩走馬 晉劉恢詩曰東臯有一駿名曰千  
里駒駱首纏駿尾養以甘露芻 梁簡文帝西齋行馬  
詩曰晨風白金絡桃花紫玉珂影斜鞭照曜塵起足蹉  
跎任俠稱六輔輕薄出三河風吹鳳皇袖日映織成靴  
遠江艦舳少遙山煙霧多雲開瑪瑙葉水淨琉璃波廣  
路拂青柳迴塘繞碧莎不効孫吳術寧湏趙李過 又  
紫騮馬詩曰賤妾朝下機正值良人歸青絲懸玉鐙朱  
汗染香衣驟急珂彌響跳多塵亂飛雕胡幸可薦故心

君莫違 又繫馬詩曰青驪流赭汗綠地懸花蹄未垂  
青鞞尾猶挂紫障泥蹠足絆中憤搖頭極上嘶紫關如  
未息直去取榆谿 又登山馬詩曰登山馬間樹識金  
裝草合宜韜短影轉見鞭長何殊八公岫暫上淮南王  
又和人愛妾換馬詩曰功名幸多種何事苦生離誰  
言似白玉定是愧青驪必取匣中劍迴作飾金羈真成  
恨不已願得路旁兒 梁武帝賦登山馬詩曰登山馬  
遙遙小小馬繞通汗赭疑沾勒衣香不逐風何殊隴頭  
望遙識祁連東 又後園看騎馬詩曰良馬出蘭池連  
翩驅桂枝鳴珂隨躡駛輕塵逐影移香來知驟近汗歛

覺風吹遙望黃金絡懸識幽并兒 又紫騮馬詩曰長  
安美少年金絡飾連錢宛轉青絲鞵照曜珊瑚鞭依槐  
復依柳蹀躞復隨前方逐幽并去西北共連翩 劉孝  
威和王竟陵愛妾換馬詩曰驄馬出樓蘭一步九盤桓  
小史續金絡良工送玉鞍龍驂來甚易烏孫去實難麟  
膠妾猶有請爲急絃彈 庾肩吾愛妾換馬詩曰渥水  
出騰駒湘川實應圖來從西北道去逐東南隅琴聲悲  
玉匣山路泣靡蕪似鹿將含笑千金會不俱 張率  
走馬引曰良馬龍爲韉玉珂金作羈馳驚宛與洛半驟  
復半馳倏忽而千里步景不及移九方惜未見薛公寧

所知歛轡且歸去吾畏路旁兒 車敦驄馬詩曰驄馬  
鑊金鞍柘彈落金丸意欲驂驪走先作野遊盤平明發  
下蔡日中過上蘭路遠行須疾非是畏人看 陳後主  
紫騮馬詩曰嫖姚紫塞歸蹀躞紅塵飛玉珂鳴廣路金  
絡耀晨輝蓋轉時移影香動屢驚衣禁門猶未閉連騎  
恣相追 劉勰賦得馬詩曰獨飲臨寒窟離羣思北  
風陳王欲觀舞御史自隨驄邊聲隕客淚果下益桃紅  
恒持沛艾影解向平陵東 沈炯賦得邊馬有歸心詩  
曰窮秋邊馬肥向塞甚思歸連鑣渡蒲海束舌下金徽  
已却魚麗陣將摧鶴翼圍彌憶長楸道金鞭背落暉



又詠老馬詩曰昔日從戎陣流汗幾東西一日馳千里三丈拔深泥渡水頻傷骨翻霜屢損蹄勿言年齒暮尋途尚不迷

**原**祖孫登賦得紫騮馬詩曰候騎極樓蘭長城迴路難嘶從風處斷骨往水中寒飛塵暗金勒落淚灑銀鞍抽鞭上關路誰念客衣單

王由禮賦得驄馬詩曰善馬金羈飾躡影復凌空影入長城水聲隨胡地風輕歛青門外珂喧紫陌中行行若不倦唯當御史驄

**增**傅緯天馬引詩曰驄色表連錢出冀復來燕取用偏開地爲歌乃號天權音意欲遠躩蹠勢難前本珍白玉鐙因飾黃金鞭願酬芻秣寵千里得千年

徐

陵紫騮馬詩曰玉鐙繡纏鬃金鞍錦覆幪風驚塵未起草淺埒猶空角弓連兩兔珠彈落雙鴻日斜馳逐罷連翩還上東

陳暄紫騮馬詩曰天馬汗如紅鳴鞭度九峻飲傷城下凍嘶依北地風笳寒芳樹歇笛怨柳枝空橫行意未已羞往轂車中

張正見紫騮馬詩曰將軍入大宛善馬出從戎影絕乾河上聲流水窟中似鹿猶依草如龍欲向空須還十萬里試爲一追風

又君馬黃詩曰幽并重騎射征馬正盤桓風去嘶聲遠冰堅度足寒出關聊變色上坂屢停鞍即今隨御史非復在樓蘭

又曰五色乘黃馬追風時滅淩血汗染龍花胡鞍

抱秋月唯騰渥洼水不飲長城窟詎待燕昭王千金市  
駿骨 又飲馬長城窟詩曰秋草朔風驚飲馬出長城  
羣驚還怯飲地險更宜行傷冰斂凍足畏冷急寒聲無  
因度吳坂方復入羌城 蔡君知君馬黃詩曰君馬經  
西極臣馬出東方策舉浮雲影珂連明月光水凍寒傷  
骨蹄寒爲踐霜躡蹶嗟伏櫪空想欲從良 北周尚法  
師飲馬長城窟詩曰長城征馬度橫行且勞群入冰穿  
凍水飲浪聚流文澄鞍如清月照影若流雲別有長松  
氣自解逐將軍 隋庾抱馳馬詩曰櫪上浮雲驄本出  
吳門中發跡來東道長鳴起北風迴鞍拂柱白楮汗類

塵紅滅沒徒留影無因圖漢宮

**原**唐太宗文皇帝詠

飲馬詩曰駿骨飲長涇奔流灑絡纓細紋連噴聚亂荇  
繞蹄縈水光鞍上側馬影溜中橫翻似天池裡騰波龍  
種生 楊師道詠飲馬應詔詩曰清晨控龍馬弄影出  
花林蹀躞依春澗聯翩度碧潯苔流染絲絡水潔寫雕  
簪一御瑤池駕詎憶長城陰 又詠馬詩曰寶馬權奇  
出未央雕鞍照曜紫金裝春草初生馳上苑秋風欲動  
戲長楊鳴珂屢度章臺側細蹀輕向濯龍傍徒令漢將  
連年去宛城今已獻名王 **增**李嶠詠馬詩曰天馬本  
來東嘶驚御史驄蒼龍遙逐日紫燕迴追風明月來鞍

上浮雲落蓋中得隨穆天子何假唐成公 薛曜舞馬  
篇曰星精龍種競騰驤雙眼黃金紫豔光一朝逢遇昇  
平代伏阜銜圖事帝王我皇威德苞六羽俗泰時和虞  
石拊昔聞九代有餘名今日百獸先來舞鉤陳周衛儼  
旌旄鐘鎛陶匏聲殷地承雲嘈囀駭日靈調露鏗鉉動  
天駟奔塵飛箭若麟螭躡景追風忽見知咀銜拉鐵並  
權竒被服雕章何陸離紫玉鳴珂臨寶鐙青絲綵絡帶  
金羈隨歌鼓而電驚逐丸劔而颺馳態聚踣還急驕凝  
驟不移光獻白日下氣擁綠煙垂宛轉盤跚殊未已懸  
空步驟紅塵起驚鳧翔鷺不堪儔矯鳳迴鸞那足擬蘅

垂桂棹香氤氳長鳴汗血盡浮雲不辭辛苦來東道祇  
為簫韶朝夕聞閭闔玉臺側承恩煦兮生光色鸞鏘  
鏘車翼備國容兮為戎飾充雲翅兮天子庭荷日用  
兮情無極吉良乘兮一千歲神是得兮天地期太易占  
云南山壽趨趨共樂聖明時 喬知之羸駿篇曰噴玉  
長鳴西北來自言當代是龍媒萬里鐵關行入貢九重  
金闕為君開蹀躞朝馳過上苑趨趨暝走發章臺玉勒  
金鞍荷裝飾路傍觀者無窮極小山桂樹比權竒上林  
桃花况顏色忽聞天將出龍沙漠主持將駕鼓車去去  
山川勞日夜遙遙關塞斷煙霞山川關塞十年征汗血

流離赴行營肌膚銷遠道膂力盡長城長城日夕苦風  
霜中有連年百戰場搖珂噉勒金羈盡爭鋒足頓鐵菱  
傷垂耳罷輕齋棄置在寒溪大宛蒲海北滇壑嵩崖西  
沙平留緩步路遠聞頻嘶從來力盡君湏棄何必尋途  
我已迷歲歲年年奔遠道朝朝暮暮催疲老扣冰晨飲  
黃河源拂雪夜食天山草楚水檀溪戰征事吳塞烏江  
辛苦地特來報主不辭勞宿昔立功非重利丹心素節  
本無求長鳴向君君不留祇應灑漫歸田里萬里低昂  
任生死君王倘若不見遺白骨黃金猶可市 沈佺期  
驄馬詩曰西北五花驄來時道向東四蹄碧玉片雙眼

赤金瞳鞍上留明月嘶間動朔風借君馳沛艾一戰取  
雲中 又紫駟馬詩曰青玉紫駟鞍騎多影屢盤荷君  
能剪拂躡蹀噴桑乾踠足追奔易長鳴遇賞難從金一  
萬里霜露不辭寒 張說舞馬詞曰萬玉朝宗鳳宸千  
金率舞龍媒盼鼓凝嬌蹀躞聽歌弄影徘徊 又曰天  
鹿遙徵衛叔日龍上借羲和將共兩驂爭舞來隨八駿  
齊歌 又曰綵旄八佾成行時龍五色因方屈膝銜杯  
赴節傾心獻壽無疆 又曰帝阜龍駒沛艾星蘭驥子  
權奇騰倚驪洋應節繁驕接迹不移 又曰二帝先天  
合德群靈率土可封擊石驂驪紫燕從金顧步蒼龍

又曰聖君出震應籙神馬浮河獻圖足踏天庭鼓舞心  
將帝樂踟躕 又舞馬千秋萬歲樂府詞曰金天誕聖  
千秋節玉醴還分萬壽觴試聽紫騮歌樂府何如綠驥  
舞華場連騫勢出魚龍變蹀躞嬌生鳥獸行歲歲相傳  
指樹日翩翩來伴慶雲翔 又曰聖皇至德與天齊天  
馬來儀自海西腕足徐行拜兩膝繁驕不進踏千蹄鬃  
鬣奮鬣時蹲踏鼓怒驤身忽上躋更有銜杯終宴曲垂  
頭掉尾醉如泥 又曰遠聽明君愛逸才玉鞭金翅引  
龍媒不因茲白人間有定是飛黃天上來影弄日華相  
照耀噴含雲色且徘徊莫言闕下桃花舞別有河中蘭

君韜出看君騎尾長牽地如紅絲自矜諸馬皆不及却  
憶百金新買時香街紫陌鳳城內滿城見者誰不愛揚  
鞭驟急白汗流弄影行驕碧蹄碎紫髯胡雛金剪刀平  
明剪出三駿高櫪上看時獨意氣衆中牽出偏雄豪騎  
將獵向南山口城南狐兔不復有草頭一點疾如飛却  
使蒼鷹翻向後憶昨看君朝未央鳴珂擁蓋滿路香始  
知邊將真富貴可憐人馬相輝光男兒稱意得如此駿  
馬長鳴北風起待君東去埽邊塵爲君一日行千里  
杜甫高都護驄馬行曰安西都護胡青驄聲價歛然來  
向東此馬臨陣久無敵與人一心成大功功成惠養隨

所致飄飄遠自流沙至雄姿未受伏櫪恩猛氣猶思戰  
場利腕從蹄高如踏鐵交河幾蹴層冰裂五花散作雲  
滿身萬里方看汗流血長安壯兒不敢騎走過掣電傾  
城知青絲絡頭爲君老何由却出橫門道 又驄馬行  
曰鄧公馬癖人共知初得花驄大宛種夙昔傳聞思一  
見牽來左右神皆竦雄姿逸態何嘗率顧影驕嘶自矜  
寵隅目青熒夾鏡懸肉駿碾勢連錢動朝來少試華軒  
下未覺千金滿高價赤汗微生白雪毛銀鞍却覆香羅  
帕知家舊物公能取天廐真龍此其亞晝洗湏騰涇渭  
深夕趨可刷幽并夜吾聞良驥老始成此馬數年人更

葉開 李白天馬歌曰天馬來出月氏窟肯爲虎文龍  
翼骨嘶青雲振綠髮蘭筋權竒走滅沒騰崑崙歷西極  
四足無一蹶雞鳴刷燕晡秣越神行電邁躡恍惚天馬  
呼飛龍趨目明長庚臆雙鳧尾如流星首渴烏口噴紅  
光汗溝珠曾陪時龍躡天衢羈金落月照皇都逸氣稜  
稜凌九區白辭如山誰敢沽回頭笑紫燕但覺爾輩愚  
天馬奔戀君軒驟躍驚矯浮雲翻萬里足躑躅遙瞻閭  
闔門不逢寒風子誰探逸景孫白雲在青天丘陵遠崔  
嵬鹽車上峻坂倒行逆施畏日晚伯樂剪拂中道遺少  
盡其力老棄之願逢田子方惻然爲我悲雖有玉山禾

不能療苦飢嚴霜五月凋桂枝伏櫪銜冤摧兩眉請君  
贖獻穆天子猶堪弄影舞瑤池 又紫騮馬詩曰紫騮  
行且嘶雙翻碧玉蹄臨流不肯渡似惜錦障泥白雪關  
山遠黃雲海戍迷揮鞭萬里去安得念春閨 萬楚驄  
馬詩曰金絡青驄白玉鞍長鞭紫陌野遊盤朝驅東道  
塵恒滅暮到河源日未闌汗血每隨邊地苦蹄傷不憚  
隴陰寒君能一飲長城窟為報天山行路難 賈至白  
馬詩曰白馬紫連乾嘶鳴丹闕前聞到自蹀躞不要下  
金鞭 岑參衛節度赤驃馬歌曰君家赤驃畫不得一  
闌旋風桃花色紅纓紫鞵珊瑚鞭玉鞍錦韉黃金勒請

驚豈有四蹄疾於鳥不與八駿俱先鳴時俗造次那得  
致雲霧晦冥方降精近聞下詔喧都邑肯使騏驎地上  
行 又玉腕騮詩曰聞說荆南馬尚書玉腕騮頓驂飄  
赤汗踟躕顧長楸敵騎三年入乾坤一戰收舉鞭如有  
問欲伴習池遊 又李鄴縣文人胡馬行曰文人駿馬  
名胡騮前年避兵過金牛迴鞭却走見天子朝飲漢水  
暮靈州自矜胡騮奇絕代乘出千人萬人愛一聞說盡  
急難材轉益愁向駑駘輩頭上銳耳披秋竹脚下高蹄  
削寒玉始知神龍別有種不比俗馬空多肉洛陽大道  
時再清累日喜得俱東行鳳臆龍鬣未易識側身注目

長風生 又房兵曹胡馬詩曰胡馬大宛名鋒稜瘦骨  
成竹批雙耳峻風入四蹄輕所向無空闊真堪托死生  
驍騰有如此萬里可橫行 又沙苑行曰君不見左輔  
白沙白如水繚以周墻百餘里龍媒昔是渥洼生汗血  
今稱獻於此苑中駉牝三千匹豐草青青寒不死食之  
豪健西域無每歲攻駒冠邊鄙王有虎臣司苑門入門  
天驥皆雲屯驕驕一骨獨當御春秋二時歸至尊至尊  
內外馬盈億伏櫪在坳空大存逸羣絕足信殊傑倜儻  
權竒難具論纍纍羗阜藏奔突往往坡陀縱超越角壯  
翻同麋鹿遊浮深播蕩鼉鼉窟泉出巨魚長比人丹砂

作尾黃金鱗豈知異物同精氣雖未成龍亦有神 又  
秦州雜詩曰南使宜天馬由來萬匹彊浮雲連陣沒秋  
草徧山長聞說真龍種仍殘老驢驢哀鳴思戰鬪迴立  
向蒼蒼 又遣興詩曰地用莫如馬無良復誰記此日  
千里鳴追風可君意君看渥洼種態與駑駘異不雜蹄  
鬣聞逍遙有能事 韓翃羽林騎詩曰駿馬牽來御柳  
中鳴鞭欲向渭橋東紅蹄亂踏春城雪花領驕嘶上苑  
風 又看調馬詩曰鴛鴦赭白齒新齊晚日花中散碧  
蹄玉勒乍回初噴沫金鞭欲下不成嘶 周存西戎獻  
馬詩曰天馬從東道皇威被遠戎來參八駿列不假貳



師功影別流沙路嘶流上苑風望雲時蹀足向月每爭  
雄稟異才難狀標奇志豈同馳驅如見許千里一朝通  
張仲素天馬詩曰天馬初從渥水來郊歌曾唱得龍  
媒不知玉塞沙中路首藉殘花幾處開 又曰蹀躞宛  
駒齒未齊擬金噴玉向風嘶來時行盡金河道獵獵輕  
風在碧蹄 韓愈入關詠馬詩曰歲老豈能充上駟力  
微當自慎前程不知何故翻驤首牽過關門妄一鳴  
又駑驥詩曰駑駘誠齷齪市者何其稠力小若易制價  
微良易酬渴飲一斗水飢食一束芻嘶鳴當大路志氣  
若有餘駑驥生絕域自矜無匹儔牽驅入市門行者不

爲留借問價幾何黃金比嵩丘借問行幾何咫尺視九  
州飢食玉山禾渴飲醴泉流問誰能爲御曠世不可求  
惟昔穆天子乘之極遐遊王良執其轡造父挾其鞵因  
言天外事茫惚使人愁駑駘謂駑驥餓死余爾羞有能  
必有用有德必見收孰云時與命通塞皆有由駑驥不  
敢言低徊但垂頭人皆劣駑驥共以駑駘優喟余獨興  
歎才命不同謀寄詩同心子爲我商聲謳 又賀張十  
八秘書得裴司空馬詩曰司空遠寄養初成毛色桃花  
眼鏡明落日已曾交轡語春風還擬並鞍行長令奴僕  
知飢渴須著賢良待性情旦夕公歸伸拜謝免勞騎去

逐雙旌 張籍謝裴司空寄馬詩曰綠耳新駒駿得名  
司空遠自寄書生乍離華殿移蹄澀初到貧家舉眼驚  
每被閑人來借問多尋古寺獨騎行長思歲旦沙堤上  
得從鳴珂傍火城 白居易和張十八秘書謝裴相公  
寄馬詩曰齒齋臙足毛頭膩秘閣張郎叱撥駒洗了領  
花翻假錦走時蹄汗踏真珠青衫乍見曾驚否紅粟難  
賒得飽無丞相寄來應有意遣君騎去上雲衢 又公  
垂尚書以白馬見寄光潔穩善以詩謝之曰翩翩白馬  
稱金羈額綴銀花尾曳絲毛色鮮明人盡愛性靈馴善  
主偏知免將妾換慙來處試使奴牽欲上時不蹶不驚

行步穩最宜山簡醉中騎 李賀馬詩曰龍脊貼連錢  
銀蹄白踏煙無人織錦韉誰為鑄金鞭 又曰臘月草  
根甜天街雪似鹽未知口硬軟先礙蒺藜銜 又曰忽  
憶周天子驅車上玉山鳴騶辭鳳苑赤驥最承恩 又  
曰此馬非凡馬房星本是星向前敲瘦骨猶自帶銅聲  
又曰大漠沙如雪燕山月似鉤何當金絡腦萬里踏  
清秋 又曰飢臥骨查牙麤毛刺破花鬣焦朱色落髮  
斷鋸長麻 又曰西母酒將闌東王飯已乾君王若燕  
去誰為拽車轆 又曰赤兔無人用當湏呂布駢吾聞  
果下馬羈策任蠻兒 又曰颯叔去匆匆如今不羨龍

夜來霜壓棧駮骨折西風 又曰催榜渡烏江神雖泣  
向風君王今解劔何處逐英雄 又曰內馬賜宮人銀  
韉刺騏驎午時鹽坂上蹭踏溘風塵 又曰批竹初攢  
耳桃花未上身他時須攬陣牽去借將軍 又曰寶玦  
誰家子長聞俠骨香堆金買駮骨將送楚襄王 又曰  
香襍赭羅新盤龍蹙鱗迴看南陌上誰道不逢春  
又曰不從桓公獵何能伏虎威一朝溝壑出看取拂雲  
飛 又曰唐劔斬隋公拳毛屬太宗莫嫌金甲重且去  
捉飄風 又曰白鐵判青禾碓間落細沙世人憐小頸  
金埒畏長牙 又曰伯樂向前看旋毛在腹間祇今培

白草何日驀青山 又曰蕭寺駝經馬元從竺國來空  
知有善相不解走章臺 又曰重圍如燕尾寶劔似魚  
腸欲求千里脚先采眼中光 又曰暫繫騰黃馬仙人  
上綵樓須鞭玉勒吏何事摘高州 又曰武帝愛神仙  
燒金得紫煙廢中皆肉馬不解上青天 又曰汗血到  
王家隨鸞撼玉珂少君騎海上人見是青騾 白行簡  
歸馬華山詩曰牧野功成後周王戰馬閑驅馳休伏阜  
飲斲任依山逐日朝仍去隨風暮自還冰生疑隴坂葉  
落似榆關蹀躞仙掌下騰驤渭水灣幸逢時偃武不復  
鼓鼙聞 徐仁嗣天驥呈材詩曰至德符天道龍媒應

聖明追風奇質異噴玉彩毛輕蹠躩形難狀連拳勢乍  
呈効才矜逸態絕影表殊名岐路寧辭遠關山豈憚行  
鹽車雖不駕今日亦長鳴 盧征天驥呈材詩曰異產  
應堯年龍媒順制牽權奇初得地蹠躩欲行天詎假調  
金埒寧湏動玉鞭嘶風深有戀逐日定無前周滿誇常  
御燕昭恨不傳應知流赭汗來自海西偏 鄭賈天驥  
呈材詩曰毛骨合天經拳奇步驟輕曾邀于闐駕新出  
貳師城噴勒金鈴響追風汗血生酒亭留去跡吳坂認  
嘶聲力可通衢試材堪聖代呈王良如顧盼垂耳欲長  
鳴 紀唐夫驄馬詩曰連錢出塞踏沙蓬豈比當時御

史驄逐北自諳深磧路連嘶誰念靜邊功登山每與青  
雲合弄影應知碧草同今日承平將換妾不如羅袖舞  
春風 喻鳧浴馬詩曰解鞅復收鞍長津渡細漣空蹄  
沈綠玉潤臆沒連錢沫漩橋聲下嘶盤柳影邊常聞稟  
龍性固與白波便 陳凝詠馬詩曰未明龍骨駿幸得  
到神州自有千金價寧忘伯樂酬雖知殊欸段莫敢比  
驊騮若遇追風便當軒一舉頭 韓琮詠馬詩曰曾經  
伯樂識長鳴不似龍行不敢行金埒未登嘶若是鹽車  
猶駕瘦何驚難逢王濟知音癖欲就燕昭買駿名早晚  
飛黃引同阜碧雲天上作鸞聲 韋莊寄馬詩曰驅馳

曾在五侯家見說初生自渥洼髮白似披梁苑雪頸肥  
好撲杏園花休嫌綠綬嘶貧舍好著紅纓入使衙穩上  
雲衢千萬里年年長踏魏堤沙 翁綬白馬詩曰渥洼  
龍種雪霜同毛骨天生膽氣雄金埒乍調光照地玉關  
初別遠嘶風花明錦襜垂楊下露濕朱纓細草中一夜  
羽書催轉戰紫髯騎出佩驂弓 平曾獻薛僕射繫白  
馬詩曰白馬披髮練一團今朝被絆欲行難雪中放去  
空留跡月下牽來只見鞍向北長鳴天外遠臨風斜控  
耳邊寒自知毛骨應還異更請孫陽仔細看 秦韜玉  
紫駟馬詩曰渥洼奇骨本難求況是豪家重紫駟臆大

宜懸銀壓勝力渾欺著玉銜頭生獰弄影風隨步蹀躞  
衝塵汗滿溝若遇丈夫能控御任從騎取覓封侯 張  
隨敕賜三相馬詩曰上苑驂駟出中宮詔命傳九天班  
錫禮三相代勞年顧主聲猶發追風力正全鳴珂龍闕  
下噴玉鳳池前四足疑雲滅雙瞳比鏡懸爲因能致遠  
今日表求賢 章孝標騏驎長鳴詩曰有馬骨堪驚無  
人眼暫明力窮吳坂峻嘶苦朔風生逐逐懷良御蕭蕭  
顧樂鳴瑤池期弄影天路擬飛聲皎月誰知種浮雲莫  
問程鹽車今願脫千里爲君行 宋文同紫駟馬詩曰  
翩翩紫駟馬爛爛黃金鞍流水四蹄急飛星雙月寒擁

獸部

州監貢志卷四百三十四

馬

九

頭青玉鉞蔽膝綵絲鞶誰取交州鼓模將骨去看 許  
彥國紫騮馬詩曰黃金絡頭玉爲臚蜀錦障泥亂雲葉  
花間顧影驕不行萬里龍駒空汗血露牀秋粟飽不食  
青芻首宿無顏色君不見東郊瘦馬百戰場天寒日暮  
烏啄瘡 宋伯仁邊頭老馬詩曰解下韁繩便欲眠絕  
無筋力可勝鞭霜蹄徧識淮南地夜草猶吞塞北煙怕  
逐綵旗排偃月寧思金鐙趁朝天華山自有安身處試  
問將軍在幾年 元楊載神馬歌曰神馬來自崑崙西  
有足未始行沙泥朝趨欲出飛鳥上夕逝直與奔星齊  
綠駿半散插雙耳赤汗交流攢四蹄風神秀猛陔天地

豈顧燕蔡并渠黎時時牽浴臨清溪對人誇殺黃鬚奚  
玉沙之禾中芻秣不嚙堤頭枯草稊與君側耳聽長嘶  
凡馬不聞生駃騠 貢師泰上都詐馬大燕詩曰紫雲  
扶日上璇題萬騎來朝隊仗齊織翠轡長攢孔雀鏤金  
鞍重嵌文犀行迎御輦爭先避立近天墀不敢嘶十二  
街頭人聚看傳言丞相過沙堤 廼賢劉舍人桃花馬  
歌曰青絲駿馬桃花色翠鞍玉轡黃金勒奚奴牽出不  
敢騎道上行人爭愛惜往時曾遇李將軍汗流赤血氣  
如雲朝刷黃河莫南粵沙場百戰成奇勲歸來無心伏  
槽櫪頓轡長鳴思奮力東家白面繡衣郎千金買去遊

南陌昨朝校獵向城隅萬人爭說天下無夜歸不怕霸  
陵尉玉鞭醉打蒼頭奴畫燭銀屏歡徹曙一朝金盡賓  
朋去可憐驕馬屬誰家斷繯猶繫階前樹君不見西家  
欸段三十年青芻滿櫪菽滿田老翁不識城下路騎看  
射獵南山邊 朱德閏觀內廐洗馬詩曰黃雲灑雨沙  
場秋灘高水平凝不流曉霜襲透蒼駝裘圍人浴馬津  
水頭綠驃連錢雙驂驢日光射波脂膩浮青絲脫鞵黃  
金鉤輕爬短刷濕未收三花剪髮平且柔籊雲駿氣將  
無儔束芻斗豈馬羞茫茫豐草生林丘霜蹏胡爲踏  
長楸振鬣一躍期天遊 郝經詔錫張蔡公大宛二馬

詩曰二馬飄飄萬里來玉花蕭颯上金臺風生兩耳雲  
霄近電掣雙瞳日月開渥水虎文連朔氣大宛龍種絕  
氛埃將軍正欲成勲業看汝驍騰展驥才 馬祖常桃  
花馬詩曰白毛紅點巧安排勾引春風上背來莫解雕  
鞍橋下浴恐隨流水泛天台 周伯琦天馬行應制詩  
曰飛龍在天今十祀重譯來庭無遠邇川珍嶽貢皆貞  
符神駒躍出西洼水拂郎叢爾不敢留使行四載數萬  
里乘輿清暑灤河宮宰臣奏進閭闔裏昂昂八尺阜且  
偉首揚渴烏竹批耳雙蹏縣雪墨漬毛疏駿擁霧風生  
尾朱英翠組金盤陀方瞳夾鏡神光紫聳身直欲凌雲

洗金卷四十一  
三  
霄盤辟丹墀却開顏黃鬚圍人服危詭鞞如縈相諾  
唯群臣俯伏呼萬歲初秋曉霽風日美九重洞啟臨軒  
觀袞衣冕耀天顏喜畫師寫倣妙奪神拜進御牀深稱  
旨牽來相向宛轉同一入天閑誰敢齒我朝幅員古無  
比朔方鐵騎紛如螳山無氛侵海無波有國百年今見  
此神州首宿西風肥收斂驕雄聽驅使屬車歲歲幸兩  
京八鸞承御壯瞻視騶虞麟趾竝樂歌越雉旅葵盡風  
靡迺知感召由真龍房星孕秀非偶爾黃金不用築高  
臺髦俊聞風一時起願見斯世皞皞如羲皇按圖書卦  
復茲始 張憲立仗馬詩曰照夜玉後貌霜毛鐵鑿蹏

春風金絡腦小雨錦障泥御駕馳天上軍封受海西日  
供三品料緘口不聞嘶 又桃花馬歌曰房星下飲瑤  
池清神光夜化花龍精東風滿背騎不得冰痕淨洗黃  
魚腥斑斑朱英點精雪滴滴真珠汗凝血高蹏蹴蹋花  
雨香仰面嘶春春正熱周家穆滿遊懸圃萬里西馳覲  
王母青絲繫樹搖玉珂錦繡叢中五雲舞歸來復入元  
都觀紫陌韶華政零亂天閑不數連錢驄路人只作文  
彪看天台九曲溪流芳解鞍春水浮丹先劉郎牽入落  
花去撲面玉鞭蝴蝶忙風流自許王武子未信叔癡癡  
不語千年駿骨作銅聲燕昭臺高金似土 明高啟馬

獸部

詩歸頁函卷四十一

馬

三



詩曰羅帕覆春風連鞍賜有功蹄高騎得稱身出萬軍  
中 郭翼和李長吉馬詩曰神駿知無匹驍騰絕域來  
流沙一丈雪夜拂白龍堆 又曰天子飛黃馬牽來賜  
近臣玉階新雨過風袞落花塵 又曰內殿玉花驄斑  
斑歛肉駿奚官新浴罷沙苑踏春風 又曰佛郎通上  
國萬里進龍媒曉日開闔闔紅光上玉臺 又曰天馬  
誰能御和鸞駕紫薇年年清暑去霹靂逐龍飛 曾棨  
天廐神兔歌序云永樂七年春二月余以扈從北巡給  
賜內廐兔色馬一匹蓋朝鮮所貢也神駿超越異於凡  
馬經數千里若有餘力予聞古良馬有赤兔之名故作

神兔歌以贊之曰天廐名馬不易得鳳臆龍髻秋兔色  
圍宮嘶養十餘載云昔來自朝鮮國想當此馬初生時  
蛟龍降精雷雨垂房星夜墮水盡赤雲霧下繞靈風吹  
雄姿逸態真神駿踠促蹄高雙耳峻目光夾鏡炯方瞳  
汗血流珠膩紅暈朝鮮得此不敢騎覆以黃檀獻赤墀  
迺知天廐盡龍種如此萬匹皆權奇今晨韞出迥殊絕  
扈從鑾輿自超越朝趨遠促交河冰夕秣驕嘶薊城月  
君不見蕭爽驂騶古亦多老不一試將奈何駑駘無力  
枉蹠躩俗馬有肉空嗟峨平生憐爾獨遭遇繡勒金鞍  
照瓊署相期慎保不凡姿萬里長隨六龍馭 王直題

馬詩曰鳳臆龍鬣世不多春風飽食玉山禾升中自是  
明時事岱岳雲亭想一過 郭登驥驥詩曰萬里龍沙  
百戰歸輕塵不動四蹄飛可憐汗血常消瘦不及駑駘  
似瓠肥 王慎中紫駟馬詩曰朱汗四垂碧玉蹄韁絲  
陡勒不勝嘶長安陌上催花雨萬樹紅英踏作泥 徐  
渭賦得風入四蹄輕曰駿馬四蹄風形容有杜公一塵  
不動外千里颯然中白草連天靡蒼鷹蹋翅從禮溪不  
須躍隨意過從容 又曰愛妾換初酬將軍募紫駟  
颯只聞響陣陣不禁秋練影難長曳房星易一流路傍  
看不細多是失回頭 又曰借將從虎物并去翼龍腓

戍削纒辭極崩轟已破圍寒呼隨踔起黑旋裹鞍飛曾  
聽將軍說雙雙碎鐵衣注云雷總戎嘗騎千里馬風掣其衣僅存襟背又云趙總戎亦然  
又曰赤驥本龍精行時不是行看遲八尺影過急  
一團聲帶烙成駢死嘶鹽了此生孫陽何處是淚盡太  
行程

**原賦**魏應德璉慙驥賦曰慙良驥之不遇兮何屯否之  
弘多抱天飛之神號兮悲當世之莫知赴懸谷之漸塗  
兮陟高岡之峻崖懼僕夫之嚴策兮載悚慄而奔馳懷  
殊姿而困遇兮願遠跡而自舒思奮行而驥首兮叩繯  
練之紛拏牽繫轡而增制兮心愴結而繫紆涉通達而

獸部

尚書通考卷四百三十四

馬

三

方舉兮迫輿僕之我拘抱精誠而不暢兮鬱神足而不  
攄思歸翁於西土兮望伯氏於東隅願浮軒於千里兮  
曜華輓於天衢瞻前軌而促節兮顧後乘而躊躕展心  
力於知己兮甘邁遠而忘劬哀二哲之殊世兮時不邁  
乎良造制銜轡於常御兮安獲騁於遐道 晉曹毗馬  
射賦曰奔電無以追其蹤逸羽不能企其足狀若騰虬  
而登紫霄日似晨景之駭扶木體與機會動躡驚風於  
是抗孫陽之轡彎繁弱之弓輕足鬱其雲合妙手於焉  
爭雄 傅休奕乘輿馬賦曰目若曜星符采橫發高顛  
懸日雙璧象月頭似削成鬣如鬚髮延首高驥擢足軒

峙氣蓋青雲勢凌萬里九方不能測其天機秦公不能  
究其妙理 又馳馬射賦曰何逸群之奇駿生濛汜之  
遐濱附南方以定位表天駟於三辰儀乾行之剛健憑  
坤厚以托身豈驥德之足慕踰萬里之清塵 宋劉義  
恭白馬賦曰惟皇有造惟靈有秘麗氣摛精底愛覃粹  
八挺稽首以賓庭九荒歛衽而納贄象車垂德以服廂  
龍馬宅仁而受轡是以周稱踰輪漢則天駟體自乾維  
衍生坎位伊赭白之爲駿超絕世而稱驥爾其爲狀也  
竦身輕足高穎露晴氣猛聲烈步遠視明著獻西宛表  
德東京價傾幽夏觀竭都城飾金鑲之倏爍揚玉鑿之

獸部

州監類函卷四百三十四

馬

三五

玲瓏發鳴鏑於懸月驅永埒於修垌旋四介以作好耀  
二矛之重英舉舊閑而未儔考前迅而較名 顏延之  
褚白馬賦曰昔帝軒陟位飛黃服阜后唐膺籙赤文候  
日漢道亨而天驥呈才魏德茂而澤馬效質伊逸倫之  
妙足自前代而間出並榮光於瑞典登郊歌乎司律所  
以崇衛威神扶護警蹕是用精曜叶從靈物咸秩暨明  
命之初基罄九區而率順有肆險以稟朔或踰遠而納  
賚觀其附筋樹骨垂梢植髮雙瞳夾鏡兩權協月異體  
峰生殊相逸發起攄絕夫塵轍驅驚迅於滅沒然而盤  
於遊畋作鏡前王肆於人上取悔義方天子乃輟駕廻

慮息徒解裝鑿武穆憲文光振民隱修國章戒出豕之  
敗御惕飛鳥之跼衡故祇慎乎所常忽敬備乎所未防  
輿有重輪之安馬無泛駕之佚處以濯龍之奧委以紅  
粟之秩服養知仁從老得卒加弊帷收仆質天情周皇  
恩畢 謝莊舞馬賦曰天子馭三光總萬寓挹雲經之  
留憲裁河書之遺矩是以德澤上昭天而下漏泉符瑞  
之慶咸屬榮懷之應必躔月晷呈祥乾維效氣賦景河  
房承靈天駟凌原郊而漸景躍流泉而泳質辭水穴而  
南僭去輪臺而東暨登玉塞而歸寶奄芝庭而獻秘及  
其養安駟校進駕龍涓暉大馭於國阜賁上襄於帝閑

洪金卷之三十四  
超益野而踰綠虵軼蘭池而轢紫燕五王晦其頤孫氏  
惜其元東門豈或狀西河不能傳旣秣芑以均性又佩  
蘅以崇躅養雄神於綺文蓄奔容於帷燭蘊浮雲之銳  
影戢追電之逸足方疊鎔於丹縞亦連規於朱駁觀其  
雙辟應範三封中圖黜骨滿燕室虛陽理競潛策紆汗  
飛緒沫流珠至於肆夏已升采齊旣薦始徘徊而龍俛  
終沃若而鸞盼迎調露於飛鍾起承雲於驚箭寫秦垌  
之躡塵狀吳門之曳練窮虞廷之蹈蹠究遺野之環袵  
夫蹠實之態未卷凌遠之氣方攄歷岱野而過碣石跨  
滄流而軼姑餘朝送日於西坂夕歸風於北都尋瓊宮

於倏瞬望銀臺於湏臾

唐人舞馬賦曰爾其聆音

却立赴節騰湊顧遲影而傾心效長鳴而引脰宛跡遲  
遲汗血生姿順指不動因心所之日照金羈而晴光交  
映風飄錦覆而淑氣相資 又舞馬賦曰飾金羈頓紅  
綏類却略以鳳態終宛轉而龍姿翬鼓歷考龍笛昭宣  
知執轡之有節乃蹠足而爭先迫而觀焉若桃花動而  
順吹遠而察之類電影倏而橫天 喬彞渥注馬賦曰  
目散電兮彪駁喙含丹而虎牙躡紅雲而噴玉霑赤汗  
以攢花然後絡以金羈拂於鱗鬣晴射紫焰梢垂綠絲  
凝嬌欲嘶嚼淒鏘之玉勒疊影善顧紛偃蹇之朱旗

胡直鈞獲大宛馬賦曰材為地產之最精降天山之中  
沛艾骨異低昂氣雄溢鏡光於金勒流雪彩於花驄  
王損之汗血馬賦曰名重騷驥價高驪驪骨騰肉飛既  
揮紅而沛艾鱗超龍髻亦流汗以徜徉當其辭絕塞而  
長征望漢庭而遐騁初疑靈霖染瀚海之霜華終訝淋  
漓變榆關之霞一作影王起朔方獻千里馬賦曰始  
其同群豐草凝質寒鄉名超茲白瑞掩飛黃走險鹿駭  
望雲龍驤繫之維之登歌不懸於西極若滅若沒獻狀  
聿來于北方 牛上士古駿賦曰俠少驪城上必山下許事切  
雄駒捷疾耳若插筩顛疑削出跼金鑣以弄影控鐵銜

而齧膝始駉驪以舞風忽濩略而追日 謝觀吳坂馬  
賦曰當其初出渥洼孰分駑驥雖白日之可逐曷青雲  
之自致善相爰來精神陡迴奮迅而蝟毛俱聳嘶鳴而  
星眼俄開 武少儀相馬賦曰鬣青絲兮風生眼黃金  
兮電光蹄盤攤而散花毛翕絕而成章衆人觀之駢於  
路傷為龍為鹿莫敢比方而不知若此者足不遵地影  
不逐形騰六合歎四溟截飛鳥遺流星日車為之不轉  
風馭為之中停貳師罷貢伯樂焚經非遇徐公之術曷  
擅天下之名 宋米芾天馬賦曰目星角以電發蹄踔  
暗以風迅鬣龍顛而孤起耳鳳聳以雙峻翠華建而出

步閭闔下而輕噴低駑群而不嘶橫秋風以獨韻 明  
羅汝敬龍馬賦曰含秀月窟播品東溟繫騾牝兮毓質  
蒼龍兮降精方其震電倏爍風雨晦冥房星馭兮移次  
川后翕兮效禎匪渥注之異產信滎河兮同徵

**原頌**魯國黃伯仁爲龍馬頌曰夫龍馬之所出於太蒙  
之荒域稟神祇之純化乃大宛而再育資黜螭之表像  
似靈虬之注則奪騰夷之體勢逸飛兔之高蹤兼驥騄  
之美質豈驂騑之足雙耳如剡箭日象明星雙辟似月  
蘭筋參情 **着**梁簡文帝馬寶頌并序曰五月丁酉詔  
以馬寶示群臣太僕校官趣馬掌贊三令五申承聯事

舉八麗周圍給後相趨暉煜金鑣陸離寶勒玉煥無疆  
之德永呈致遠之功鸞盼善鳴龍儀美稱足轉驚電眼  
流含燭霧噴紛霏流沫飄灑數千爲壽豈待原蠶之禁  
萬里一息不藉杜衡之草王良不能控其衡策伯樂不  
能辨其天機方知總轡崑岑周非吾馭張樂大野夏有  
慙德豈止沈河用僻獨有綠文之稱威德在木偏受蒼  
龍之名臣謹按華子云堯漢皆得馬者堯漢皆火德正  
斗南方乘德而至也豈非聖德汪濊皇風洋溢研機洞  
幽備禮達義是以天不愛道白馬嘶風王澤効祥朱鬣  
降祉比夫圓蹄方足躑躅在郊風獻電奔遨遊處園五

彩依樹三雀登巢安髣髴于當今弗擬議於休應伊臣  
不佞結慶雲霄親承詔旨預觀寶瑞退而作頌其辭曰  
乾道應坤馬來度玉關升玉臺鏤錫煥鸞鑣迴槃雲轉  
堞塵開千天駟百龍媒永伏阜埽駒駮秣瑶粟委芳芻  
九夷欵四表清眈胥樂輿頌興

**原贊**晉郭璞馬贊曰為出明精祖自天駟十閑六種各  
有名類三才五御驚駭異總周庾信秦穆公馬贊曰  
駿馬遇盜秦君不嗔先傾美酒翻畏傷人鄰兵向國窮  
寇侵秦於時大盜還作功臣 **增**唐人昭陵六馬贊其  
一曰月精按轡天駟橫行弧矢載戢氛埃廓清 右拳毛駟黃喙

平劉黑闥其二曰漚澗未靜斧鉞伸威朱汗騁足青旌

凱歸 右什代赤純赤色其三曰倚天長劔追風駿足聳

轡平隴回鞍定蜀 右白蹄烏純黑色四蹄俱白平薛仁果時所乘其四曰應策

騰空承聲半漢入險摧敵蒙危濟難 右特勒驃黃白色喙微黑平宋金剛

時所乘其五曰紫燕超躍骨騰神駿氣聳三川威陵八陣

右溷霧紫紫燕驪其六曰足輕雪影神發天機策茲飛

練定我戎衣 右青驪蒼白色平實建德時所乘

**原狀**宋顏延之天馬狀曰降靈驥子九方是選白驥朱

文綠蛇紫燕水軼驚鳧陸越飛箭遇山為風值雲成電

**增**唐孔戣謝借馬狀曰輟驂留於內廄騁逸步於長

馬

開監類元卷四百三十四



衢驅馳忘勞服習如志誓當夙駕無任感恩 于邵謝  
借馬狀曰遂躡權奇方遺欵段瞻天心喜已馳捧日之  
恩向闕身輕更遇奔星之足 齊映爲趙相公謝馬狀  
曰猥出上賜特賚微臣豈徒體合鑄金法相皆備而乃  
足符歷塊驥德是稱 李商隱代謝借飛龍狀曰梁懸  
蜀鐙几覆吳鞍每多曳練之疑不假着鞭之力候踰秦  
甸將復周閑照地迴光瞻天送影長亭欲別未期東道  
而來雙闕倘嘶願附北風之思 又代進賀端午馬狀  
曰伏櫪斯久着鞭亦多粗覺柔馴未嘗奔逸雖非龍媒  
驥子邈一舉以絕塵願陪月駟雲螭慶千嘶於扈蹕

元稹進馬狀曰同州防禦使供進烏馬一疋八歲堪打  
毬及獵北方正色東道奇蹤調習多時備諳材力 令  
狐楚進異馬駒狀曰稟天駟之精體坤元之德毛卷惟  
細鬣赤而高尾掉肉而蜿螭額帶星而倜儻雙瞳有耀  
四蹄如削宛然天產定是龍媒允協建午之辰光昭太  
乙之脫

原表魏曹植獻文帝馬表曰臣以先武皇帝世得大宛  
紫駢馬一疋形法應圖善持頭尾教令習拜令輒已能  
行與鼓節相應謹以奉獻 唐李嶠爲鳳閣李侍郎謝  
賜馬表曰移滅沒於帝閑降權奇於御阜漢宮流赭遂

出於玉臺軒后飛黃俯回於馳道李邕進文馬表曰  
豹蔚騰文龍章助聖書籍所未載耳目所未聞令狐  
楚進異馬駒表曰當道征馬使穆林狀稱忻州定襄縣  
馬群內生異駒一疋駝頭鐵額紅鼻肉駿尾上茸毛額  
帶星文肋骨左右各十八枝四蹄青兩眼黑當生之夜  
群馬皆嘶靈質炳然休徵備美

**原**啟梁元帝謝晉安王賜馬啟曰繹武媿仲都遂蒙大  
驪之錫儒謝春卿空頌名馬之賚故以取方麟友自匹  
龍媒不待景公宛如齊畫無勞馬援翻等漢銅豈有滅  
沒黑龍連翩白馬錢文見重津名取貴相彼騏驥猶深

戀主矧伊伏櫪彌結懷恩邵陵王謝令賚馬啟曰連  
翩絕景沃若追風超渥水之形踰大宛之狀荷傳西蕃  
將達宮闈無任城之氣勇降東平之嘉錫何以揚名沙  
漠仰稱隆慈戀德銘心矚恩雨淚劉孝威為皇太子  
謝敕賚功德馬啟曰伏惟忘我徇物屈已濟民該天地  
而大捨總日月而為施既脫軌於金輪又解驂於紺馬  
出余吾之水服駟駮之廐名高夏后之龍價倍田方之  
贖謹當秣以柏葉飴以丹棗加之玉鞍飾之金絡劉  
孝儀謝豫章王賜馬啟曰出自北冀來從東道儻越兩  
驂驅同八駿脩坂且厲無復良樂之鳴長楸可走不假

幽并之策 周庾信謝滕王賚馬啟曰柳谷未開翻逢  
紫燕臨源猶遠忽見桃花流電爭光浮雲連影張敞畫  
眉之暇直走章臺王濟飲酒之歡長驅金埒 王褒謝  
賚馬啟曰邊城無草來自東南塞外饒沙經從西北漢  
時樂府偏愛權奇晉世桑門特憐神駿黃金作勒足渡  
西河白玉爲鐙方傳南國倘逢漢帝仍駕鼓車若值魏  
王應驚香氣

**原書**魏文帝與孫權書曰前使于禁郭及夫所遺吾織  
驪馬本欲使禁自致之念將軍倘欲速得今故以付徐  
奉往此二馬朕之常所自乘甚調良善走數萬匹之極

選者乘之真可樂也中國雖饒馬其知名絕足亦時有  
之耳 梁元帝答齊國雙馬書曰名重桂條形圖柳谷  
襄陽地穴近求未易滇池水裏遠訪猶難價匹龍媒聲  
齊驥子河東耀采似伏波之鑄銅震象飛文笑東瀛之  
刻玉加以控斯銀勒利此金銜鞍揭鏤衢光含兩月纏  
縈紫縷色麗雙絲方嗤晉后恒乘鄭國之駟更鄙曹君  
輕餉蜀王之馬 又書曰於戲馬之爲用遠矣大矣斯  
所以乾爲脊馬震爲馬足有是哉有是哉何則泮渙而  
馳可以及日躊躇而蹠可以追風赤兔之騰聲的盧之  
濟主陳王有照羈之說班生有韉絆之談抑聞斯美遠

勞此費懷哉懷哉老生不云乎雖有拱臂以光駟馬良用此道中心藏之何口忘之

**增**說唐韓愈雜說曰世有伯樂然後有千里馬千里馬常有而伯樂不常有故雖有名馬祇辱於奴隸之手駢死於槽櫪之間不以千里稱也馬之千里者一食或盡粟一石食馬者不知其能千里而食也是馬雖有千里之能食不飽力不足材美不外見欲與常馬等不可得安求其能千里也策之不以其道食之不盡其材鳴之而不能通其意執鞭而臨之曰天下無馬嗚呼其果無馬也耶其真不知馬也 劉禹錫說驥曰伯氏佐戎於

朔陸獲良馬以遺子子不知其良也秣之稗稗飲之汗池廢櫪也上痺而下蒸羈索也綴索而續葦其易之如此子方病且窶求沽於肆肆之馭亦不知其良也許其價六十緡將劑矣有裴氏子贏其二以求之謂善價也卒與裴氏裴所善李生雅挾相術於馬也尤工覩之周體怡然視欣然笑旣而拊隨之且曰久矣吾之不覩於是也是何柔心勁骨奇精妍態宛如鏘如華如翔如之備耶今夫馬之德全然矣顧其爲駒藏銳于內且秣之乖方是用不說於常目湏其齒構而氣振則衆美灼見上可以獻帝閑次可以鬻千金裴也聞言竦焉遂警其

僕繩其阜筐其惡蜃其溲摧以美薦秣以薌粒起之居  
之深之拒音震之無分陰之怠斯以養馬養馬之至分也  
居無何果以驥德聞 李翱國馬說曰有乘國馬者與  
乘駿馬者並道而行駿馬嚙國馬之髮血流於地國馬  
行步自若也精神自若也不為之顧如不知也既駿馬  
歸芻不食水不飲慄而立者二日駿馬之人以告國馬  
之人曰彼蓋其所羞也吾以馬往而喻之斯可矣乃如  
之於是國馬見駿馬而鼻之遂與之同櫪而芻不終時  
而駿馬之病自己

**序**梁張率舞馬賦序曰禮稱驪駟詩頌騶駼先景遺

風之美世所得聞吐圖靈光之異有時而出大梁光有  
區夏廣運自中日入之所浮琛委贄風被之域越險効  
珍軫服烏號之駿駒駼秦龍之名而河南又獻赤龍駒  
有奇貌絕力能拜善舞

駒駼一

**原**爾雅曰駒駼北野之良馬

**補**一曰野馬

**原**山海

經曰北海內有獸焉狀如馬名曰駒駼色青 史記曰  
匈奴奇畜則駒駼 **補**瑞應圖曰駒駼幽隱之獸有明

王在位即至為時除災害 淮南王術訓云湯武聖王  
也而不能與越人爭幹舟而浮於江湖伊尹賢相也而

獸

開盤類編卷四百三十四

駒駼

三五

不能與胡人騎驃馬而服駒駮

駒駮二

**原贊**晉郭璞駒駮贊曰駒駮野駿產自北域交頸相摩分背翹陸雖有孫陽終不在服

駮一

**原爾雅**曰駮如馬鋸牙食虎豹 山海經曰中曲之山有獸焉其狀如馬而白身黑尾一角虎牙爪音如鼓其名曰駮是食虎豹可以禦兵 **增**唐杜甫朝享太廟賦曰吟翠駮而未乘 北史曰北齊張華原為兗州刺史先是猛獸為暴忽有六駮食之人謂政化所感 宋史

列傳曰劉敞奉使契丹順縣山中有異獸如馬而食虎豹契丹不能識問敞敞曰此所謂駮也為說其聲音形狀且誦山海經管子書曉之契丹歎服

駮二

**增詩**唐李白送張秀才從軍詩曰六駮食猛武恥從駮馬羣一朝長鳴去矯若龍行雲

**原贊**晉郭璞贊曰駮惟馬類食畜之英驥首騰尾噓天雷鳴氣無不凌吞虎辟兵

淵鑑類函卷四百三十四

淵鑑類函卷四百三十五

獸部七

駱駝

騾

牛

驢一

**原**許慎說文曰驢似馬長耳驢子也驢亡東反何承天

纂文曰驢一曰漢驪其子曰驪增又曰其鳴歔意歔

啞率以午及五更初而鳴爾雅翼曰驢力在髀酉

陽雜俎曰驢走少有雙擲者但四足迅行耳山堂肆

考曰性能旋磨及馱負龐褐低小不甚駿異故曰蹇驢

清異錄曰驢名長耳公資暇集曰代呼驢為衛於

文字未見今衛地出驢義在斯乎或曰以其有鞫有槽

獸部

淵鑑類函卷四百三十五

驢

譬如諸衛有曹曹也因目為衛爾雅翼曰晉衛玠好乘之故以為名漢書西域傳曰烏桓國有驢無牛南史曰滑國者車師之別種也野驢有角原楚辭九懷曰驥垂兩耳中坂蹉跎蹇驢服駕用日無多曹又曰駕蹇驢而無策又何路之能極柳宗元文曰白義駮耳之得康莊地遂奔星先飄風而跛驢不出泥滓李白詩曰驂駟拳踞不能食蹇驢得志鳴春風杜甫詩曰騎驢三十載旅食京華春又偈仄行曰東家蹇驢許借我泥滑不敢騎朝天宋蘇軾詩曰蹇驢步武碎宋陸游詩曰野橋孤店跨驢行又曰白驢依舊

繫斜陽又曰乘無秃尾驢宋王庭珪詩曰長安道上醉騎驢忍凍不知蹄屢蹶何夢桂詩曰蹇驢豈解思長道

驢二

原符子曰有驢仙者享五百歲負乘而不輟歷無定主大驛於天下漢書五行志曰靈帝於宮中西園駕四白驢躬自操轡吳志曰諸葛恪父瑾長面似驢孫權大會羣臣使人牽一驢入長檢其面題曰諸葛子瑜恪跪請筆益兩字恪續其下曰之驢舉坐歡笑乃以驢賜恪世說曰王仲宣好驢鳴既葬魏文帝臨其喪顧語



同遊曰王好驢鳴可各作一聲以送之赴客皆作驢鳴  
文士傳曰晉文帝大親阮籍恒與談戲任其所欲不  
迫以職事籍從容常言平生曾遊東平樂其土風願得  
為東平太守文帝大悅即從其意籍便騎驢徑到郡至  
皆壞府舍諸壁障使內外相望然教令清簡十餘日便  
乘驢去 晉陽秋曰胡威少有志尚厲操清白父質為  
荊州守自京都省之家貧無車馬僮僕自驅驢單行拜  
見父停廡中十餘日辭歸每至客舍自放驢取樵爨食  
**增**世說曰孝武帝未嘗見驢謝太傅問陛下遙想其  
形當何所似孝武掩口而笑答曰頭當似猪 **原**陳武

別傳曰武本休屠胡人常騎驢牧羊諸家牧豎十數人  
或有和歌者武遂學太山梁甫吟之屬 **增**宋書曰後  
廢帝豈於耀靈殿上養驢數十 又曰吏部尚書庾仲  
文荀萬秋嘗詣仲文逢一客姓夏侯言有佳驢仲文便  
答云甚是所欲客出門遂與相聞索之 南齊書曰王  
真初拜僕射劉祥與真子融載見路人驅驢曰驢汝好  
為之如汝人才皆已令僕矣 北史曰公孫軌為虎牢  
鎮將發民驢以運糧令驢主加絹一疋乃與受之百姓  
語曰驢無強弱負絹自壯衆共嗤之 又曰後魏車駕  
往征蠕蠕司馬楚之與濟陰公盧中山等督運以繼大

軍時鎮北將軍封沓亡入蠕蠕說令擊之以絕運蠕蠕  
乃潛遣覘楚之軍截驢耳而去有告失驢耳者楚之曰  
必覘賊截之為驗耳賊將至矣乃伐柳為城水灌令凍  
城立而賊至不可攻逼乃走散 三國典略曰東魏靜  
帝遷都鄴尚書郎以下盡令乘驢 又曰齊蕭愨為太  
子洗馬常患腰痛不堪馳馬齊主令乘驢以見見者笑  
之 唐書曰郭英又鎮劔南取女人令乘驢擊毬以寶  
鈿為驢鞍 朝野僉載曰唐楊炯每呼朝士為麒麟植  
或問之曰今假弄麒麟者必修飾其形覆之驢上宛然  
異物及去其皮還是驢耳 又曰王及善後為右相無

甚設施惟不許令史輩將驢入室終日驅逐號驅驢宰  
相 國朝傳記曰武后初稱周恐下心不安乃令人自  
舉供奉官正員外多置裏行拾遺補闕御史至有車載  
斗量之詠有御史臺令史將入室值裏行御史數人聚  
立門內令史不下驢衝過其間諸御史大怒將杖之令  
史云今日之過實在此驢乞先數之然後受罰御史許  
之謂曰汝技藝可知精神極鈍何物驢畜敢於御史裏  
行於是羞赧而止 食貨志曰天寶三載海內富貴道  
路列肆具酒食以待行人店有驛驢 孔帖曰敬宗寶  
曆二年六月甲子觀驢鞠角觝於三殿 宋史曰范廷

召為殿前都指揮使尤不喜驢鳴聞必擊殺之東軒  
筆錄曰韓魏公琦帥陝西日將四路進兵以取夏定計  
大兵一入界則倍道兼程而進幕客楚執中曰糧道豈  
能兼程公曰吾已盡括關中之驢運糧行速可與兵相  
繼也萬一深入而糧食盡自可殺驢而食矣執中曰驢  
子大好酬獎韓公惡其無禮不使入幕續聞見近錄  
曰王荆公歸金陵居鍾山下出即乘驢一卒牽之而行  
若牽卒在前聽牽卒所之若牽卒在後則聽驢矣欲止  
即止或坐松石之下或田野耕鑿之家或入寺隨行未  
嘗無書或乘而誦之或憩而誦之仍以囊盛餅十數枚

食罷即遺牽卒牽卒食餘即以飼驢宜春傳信錄曰  
彭伉之妻湛賚之姨也伉舉進士湛猶為縣吏嘗侮之  
未數歲一舉登第伉方跨長耳縱遊郊郭忽有僮馳報  
湛郎及第伉失聲而墮故友人謔曰湛郎登第彭伉落  
驢今落驢橋是其地也玉壺水曰魏野居陝州東郊  
出即乘白驢宋程頤家世舊事曰族父文簡公應舉  
來京師惟乘一驢更無餘資至則賣驢得錢數千伯祖  
殿直輕財好義待族人甚厚日責文簡公具酒餼欲觀  
其器度文簡公訴曰驢兒已喫至尾矣宋司馬光詩  
話曰韓退處士放誕不拘以詩自名常跨一白驢自有

詩曰山人跨雪精上便不論程嗅地打不動笑天休始  
行為人所稱好着寬袖鶴斃醉則鶴舞石曼卿贈詩曰  
醉狂黝鶴舞閑臥白驢號 金史曰世祖嘗乘醉騎驢  
入室中明日見驢足跡問而知之自是不復飲酒 下  
惟短牒曰國朝劉馬太監從西番得一黑驢進上能一  
日千里善鬪虎上取虎城牝虎與鬪一蹄而虎斃又鬪  
牡虎三蹄斃之後取鬪獅折其脊劉大慟蓋龍種也

驢三

**原名駒** 奇畜 上見臧道顏弔驢文 史 廣額長  
耳 上見表淑俳諧 子瑜面 孫楚聲 上詳驢二吳志  
文 下詳驢一

字武子好驢鳴武子死孫楚哭之甚哀曰子好驢鳴為  
汝作一聲而形體俱似弔客皆笑楚怒曰諸君不死而  
使武子 乘賣藥 用為輦 張楷字公超隱華陰山乘  
死乎驢 入市 至門 後漢向栩字與甫狀若狂好披  
為輦 趙相時人謂其必脫素從儉而栩更乘鮮車海良馬世  
疑之 晉劉兆字延世博學受業者數千人嘗有人着  
鞞騎驢至兆門云欲見劉延世門人大怒白兆兆曰聽  
前進則倨牀問兆經義因為兆辨難兆不能對去不知  
姓名 常鳴 忽死 戴良母喜驢鳴良常作之以樂其母  
道上過主人驢忽死後漢劉子訓與諸生詣許駕驢車  
訓乃安坐傲食畢徐以杖叩之驢遂如初 獲千頭  
續雨字 擊之於沛遇獲之 下見驢二吳志  
大形龐 孔鮒曰李忠臣嘗謂御耳大真貴兆對曰  
後文宗 百金 千里 下韓短驢曰王桀好驢家畜數  
元 百金 千里 頭其價有百金者其一曰落釵

其二曰遠遊其三曰驚羽其四曰白風其五曰臨江其六曰上雲其七曰奔濤其八曰飛星其九曰海搜奇曰陝西民家畜一驢其婿歸何太早婿謂云驢劣行返百里如飛婿心竊愛之翁問歸何太早婿謂云驢劣行返百里如飛婿之婿聞急止曰我戲耳然驢已皮矣悅恨問取其腹視之婿聞急止曰我戲耳然驢已皮矣悅恨問取其腹視之驢也翁怒絕其婿

**戴酒** 運食 騎驢 酒當是以驢載之而行也 西域志曰烏場國特擅山山中寺大有衆僧日日有驢運食無控御者自來留食還去莫知所在

**養殿上** 藝殿中 宋書 類雋曰 青衫跨 素服乘 出中筆錄曰 盧多 蔡驢 殿中 孔祐曰 五代劉將蒙恩不誅 幸矣 敢乘馬而衣 裴平乃 素服乘驢 曰降

**出游作賦** 偷跨罰詩 宋史曰 陳彭年常因京城大舖 已口占數千言 冷齋夜話曰 王安石嘗與俞秀老至 寧公方假寐 秀老私跨驢入法雲謁寶覺禪師公知

之有頃秀老至公佯睡起遣秀老下階曰為僧子乃敢盜跨吾驢秀老叩頭願有自贖公曰罰松聲詩一首 秀老立就極佳山中人忘之後人為之補曰萬壑 搖蒼烟百灘渡流水下有跨驢人蕭蕭吹醉耳 舞 柘枝 驚蝶夢 歸田錄曰 成平五年試進士以有神龍異 稟猶嗜欲之可求云 沂公為第一其警句有 寺前熊翻舫望春門外驢舞柘枝雖鄙俚亦着趣也 墨客揮犀曰 昔人曾有為驢吃壯丹賦云 展似 鐵之雙蹄驚回蝶夢 聲如船之兩耳不聽鶯聲 造 丞相廳 遊華陰縣 墨客揮犀曰 賈魏公為相日有方 見之邀之數四卒不至後苦邀致之許竟欲騎驢造丞 相廳門吏止之曰此丞相召我來若如此但須去耳不 無所求於丞相丞相不還 驢而方開門決事白乘醉跨驢過門宰不知太也 引至庭下曰汝何人輒敢無禮曰乞供狀無姓名曰會 用龍巾拭唾御手調羹力士脫靴貴妃捧硯 天子殿前尚容走馬華陰道上不許騎驢 鄭圃往

來

灞橋風雪

蒙齋筆談曰咸平景德間隱士楊朴居

詩即伏草中冥搜或得之則躍而起適遇之者無不驚

子厚意似

浪仙吟苦

源流至論曰張子厚聞驢鳴

注曰賈島苦吟雖逢公卿貴人皆不知覺一日在驢上

釋果老喫成

希夷笑墜

則疊之如紙置巾箱中以

水巽之復成驢矣山堂肆考曰陳搏乘驢入汴

壁踏具

過橋留跡

遂畫一驢於壁一夜僧具踏破

亂不堪一統志曰越州安濟橋相短轡長鞅

衡負磨

據言曰唐咸通中人以進士車服借差不許乘馬

猶自可就中愁殺鄭昌圖下見宋表淑九錫文

據鞍讀書

嗜草觸木

江鄰幾調藍山尉騎驢赴官每

乃覺宋史曰杜常折節學問嘗跨驢讀書

殿起裸遊館

孔帖曰蘇源明疏云聖皇巡蜀之初都

有騎馬乘驢入宣政紫宸者拾遺記曰靈帝初

中騎碧

夢裏着緋

李賀詩曰誰使狂公子雲中騎碧

主簿自控

法掾騎歸

類書纂要曰李若谷為長

澗水燕談錄曰祥符中有劉偁者為陝西司法參軍廉

慎至賈

羅官無以

為歸計

所乘馬辦裝跨驢以歸

劉法掾

來時騎

馬去乘驢

毛成字

鳴應更

泊宅編

下白毛成

歸所化錢物皆以非理喪盡一夕合山道衆夢林歸明

獸部

歸所化錢物皆以非理喪盡一夕合山道衆夢林歸明

歸所化錢物皆以非理喪盡一夕合山道衆夢林歸明

歸所化錢物皆以非理喪盡一夕合山道衆夢林歸明

歸所化錢物皆以非理喪盡一夕合山道衆夢林歸明

日乃莊戶送一驢上山馱載身上毛成  
林字呼其名即應下見表淑九錫文  
笑似磨喻  
參禪東坡詩曰應笑謀生拙團團似磨驢  
傳燈  
水衝泥盧雲詩曰渡水蹇驢雙耳直  
渡

驢四

神驢 洞冥記曰修彌國多神馬驢騾十夫毛色皎然  
能行水上有兩翼或飛於海上嘗與牧馬合則  
生神 海驢 具雨不能潤嘗於秋月登島產乳皮製雨  
其皮者毛長二寸許晴則溼陰則乾毛整也  
或以製臥褥善人御之竟夕安寢不善人統籍兔乃數  
驚矣島人詫其 金驢 西陽雜俎曰晉僧朗往金榆山  
靈不敢畜也 樵者往往聽其鳴 赤驢 釋道安嘗乘  
見者乃金驢矣樵者往往聽其鳴 赤驢 釋道安嘗乘  
響土人言金驢一鳴天下太平 死驢 風俗通曰凡人相罵  
有驢臺峴南有中驢村 死驢 風俗通曰凡人相罵  
謂驢曰死驢醜惡之稱也

董卓凌虐王室  
執政皆如死驢

跛驢

葛洪傳曰藏逸  
跡於跛驢之伍

驢五

原文 宋袁淑俳諧集廬山公九錫文曰若乃三軍陸邁  
糧運艱難謀臣停算武夫吟嘆爾乃長鳴上黨慷慨應  
官崎嶇千里荷囊致餐用捷大勳歷世不刊斯實爾之  
功也音隨時興晨夜不嘿仰契元象俯協漏刻應更長  
鳴毫分不忒雖挈壺著稱未足比德斯又爾之智也若  
乃六合昏晦三辰幽冥猶憶天時用不廢聲斯又爾之  
明也青脊隆身長頰廣額修尾後垂巨耳雙磔斯又爾  
之相也嘉麥既熟實須精麪負磨迴衡迅若轉電惠我  
獸部

獸部

宋袁淑俳諧集廬山公九錫文

驢

九

衆庶神祇獲薦斯又爾之能也爾有濟師旅之勳而加之以衆能是用遣中大夫間丘騾加爾使銜勒大鳴鴻臚斑脚大將軍宮亭侯以揚州之廬江江州之廬陵吳國之桐廬合浦之珠廬封爾爲廬山公 臧道顏弔驢文曰夫徵祥契於有感景行表於事迹故銓才授任必求之卓越考能覈用亦存乎望實以貌定名則稱謂而標聲色位號則由焉而授爰有奇人西州之馳驅體質強直稟性沉雅聰敏寬祥高音遠暢真盧氏之名駒也

**增**唐柳宗元黔之驢曰黔無驢有好事者船載以入至則無可用放之山下虎見之龐然大物也以爲神蔽林

間窺之稍出近之愍愍然莫相知他日驢一鳴虎大駭遠遁以爲且噬已也甚恐然往來視之覺無異能者益習其聲又近出前後終不敢搏稍近益狎蕩倚衝冒驢不勝怒蹄之虎因喜計之口技止此耳因跳踉大鬪斷其喉盡其肉乃去噫形之龐也類有德聲之宏也類有能向不出其技虎雖猛疑畏卒不敢取今若是焉悲夫

騾

**增**廣志曰騾北方或曰罔 許慎說文曰騾驢父馬母也馱驢馬父驢母也 爾雅翼曰蜀中縣有馬與牛各而生者皆牛爲牡馬爲牝故今川廣皆產騾生於廣者

騾



蹄輕產於蜀者蹄重以大武之遺種也 又曰羸力在腰騎乘者隨其力而進退之羸股有瑣骨故不能生其狀大骨若白而口小小骨若杵而頭大小口銜大頭故不可出此騾所以不滋息也 蟬史曰騾不生育性剛善走視馬則小視驢則大北方人多取以駕車力耐遠行而不困 潛確類書曰騾似驢健於馬舊非中國所產故漢書以為匈奴奇畜 抱朴子曰世不信騾乃驢馬所生云各自有種况乎仙者難知之事哉

騾

增呂氏春秋曰趙簡子有兩白騾甚愛之陽城胥渠處

廣門之官夜款門而謁曰主君之臣胥有疾醫教之曰得白騾肝病則止不得則死謁者入通董安于御於側愠曰嘻胥渠也欺我君請即刑焉簡子曰夫殺人以活畜不亦不仁乎殺畜以活人不亦仁乎於是召庖人殺白騾取其肝以與陽城胥渠無幾何趙兵興而攻翟廣門之左七百人右七百人皆先登而獲甲首人在胡可以不好士 洞冥記曰元封四年修彌國獻駁騾高一丈毛色赤斑旋成日月之象帝以金瑤物器盛芻以飼之置於黃門廡東方朔曰此六畜之下者無為深愛况戎翟獻其鄙獸費財毀德非所以示天下也宜置之於

駁

洞冥記

騾

負乘不用則棄之於野上乃放之後野人見有赤蛇自  
天屬地有雲氣來繞地及雲徐馳復變為赤龍騎之入  
雲有人來告上曰滑稽兒使吾失龍矣朝曰龍何難值  
恐陛下費金瑤終化為驢騾耳 史記曰大將軍衛青  
圍匈奴薄暮乘六騾壯騎可數百冒圍去追之不及  
漢書曰龜茲王絳賓朝漢樂漢衣服制度歸國治宮室  
如漢家儀外國胡人皆曰驢非驢馬非馬若龜茲王所  
謂騾也 又曰高昌性難伏乃作歌曰驢非驢馬非馬  
言高昌似騾也 晉諸公讚曰劉禪降乘騾申詣鄧艾  
東坡詩註曰明皇騎青騾入蜀 唐書曰吳少誠據

蔡州地既少馬而廣畜騾乘之教戰謂之騾子軍尤稱  
勇悍 又曰吳元濟叛其將有董重質者守迴曲其部  
下乘騾即戰號騾子都尉最為悍勁官軍恒警備之  
陳搏騎白騾入華山

騾三

**增**封將軍 逐神仙 開元傳信記曰明皇將登封泰山  
累上遂親乘之柔習安便不知登降之勞也告成禮畢  
復乘而下纜及山並止休息未久有司言白騾無疾而  
殮上冀其久之遂之曰白騾將軍命有司具櫬積壘石  
為墓墓在封禪壇北數里至今在焉 神仙傳曰薊子  
訓齊人也到京師諸貴人欲見之子訓曰我非有重瞳  
八彩欲見我我亦無所道遂去諸貴人各走馬逐之望  
見子訓騾徐行而名馬 龜茲國 芙蓉城 漢書 石

開元傳信記曰明皇將登封泰山

騾

石

曼卿乘青驃 從公卿遊 與子弟道 三國典略曰齊陽休之嘗乘驃  
 主芙蓉城 遊於公卿 畧無慚色 又曰侯莫陳悅既與其子弟及  
 廢下數十騎 道走至牽屯山 不知所趨 乃棄馬山谷 乘  
 驃而去 次蒲坂 遊雍丘 揮塵錄曰清康元年金人犯  
 小舟將次雍丘 阻淺船不得進 夜出隄上 御駁驃名鶻  
 鴿青望睢陽而奔 魯女生別傳曰李少君死後百餘  
 日後人有見少君在河東蒲坂 乘青驃帝聞之發棺無所有

駱駝一

**原**淮南萬畢術曰橐駝之本出泉渠 廣志曰天竺以  
 北多橐駝 山海經曰號山陽光之山獸多橐駝善行  
 流沙中日三百里負千斤 漢書曰大月氏本行國也  
 出一封橐駝 脊上有一封封高也若封土然 西域傳曰鄯善國多駝

駝 **南**史曰滑國者車師之別種也有兩脚橐駝善  
 負重而行 洽聞記曰于闐有小鹿角細而長與駝交  
 生子曰風脚駝日行七百里其疾如風 後周書曰鄯  
 善古樓蘭國也西北有流沙數百里夏日多熱風為行  
 旅之患其風欲至惟老駝知之即預鳴而聚立埋其口  
 於沙中人以為候以羶擁其鼻口其風迅速須臾即過  
 不爾則至危斃 **原**博物志曰燉煌西渡流沙往外國  
 濟沙千餘里中無水時有伏流處人不能知皆乘駱駝  
 駱駝知水脉過其處輒停不行以足踏地人於所踏處  
 掘之輒得水 **增**外國紀錄曰大秦國人長一丈五尺

駝

外國紀錄曰大秦國人長一丈五尺

駱駝

三

好駱駝 孔帖曰五代回紇以橐駝耕而種 又曰西域龜茲歲朔鬪橐駝觀勝負以卜歲盈虛 **原**異苑曰西域荀夷國山上有石駱駝腹下出水以金鐵及手承取即便對過惟葫蘆承者則得飲之令人身體香淨而成仙其國神秘不可數過 洛中記曰有銅駝二枚在宮之南四會道頭高九尺頭似羊頸身似馬有肉鞍兩箇相對 **增**爾雅翼曰駝外國之奇畜背有兩峯如鞍其足三節色蒼褐負物至千斤凡欲脊載輒先屈足受之所載未盡終不起古語謂之橐佗橐囊也佗負荷也今云駱駝蓋橐音之轉 酉陽雜俎曰駝性羞木蘭篇

明駝千里脚多誤作鳴字駝臥腹不帖地屈足漏明則行千里 瓊碎錄曰駝峯倒者齒老矣少健者峯直 埤雅曰駝毛縟温厚煖於狐貉遇夏常退毛至盡乃能避熱故古者冬取皮於狐類而裘成夏取毛於駝類而褐成也 駝性耐寒惡熱 駱駝糞烟直上如狼烟 楚辭曰腰褭奔亡勝駕駱駝 牟子引古諺曰少所見多所怪見橐駝以為馬腫背

駱駝二

**雜**拾遺記曰周時有韓房者自渠胥國來獻玉駝高五丈 **原**華嶠漢書曰南單于遣使詣闕奉藩稱臣入居

於雲中遣使上書獻駱駝二頭文馬十匹 唐酉陽雜俎曰漢元帝竟寧元年長陵銅駝生毛毛端開花後魏書曰高祖不飲洛水嘗以千里足明駝更互向恒州取水以供膳焉北齊書曰劉晝綴辭古拙邢子才曰君賦如疥駱駝伏而無嫵媚酉陽雜俎曰唐置驛置明駝使非邊塞軍機不得擅發唐五行志曰神龍以後民謠曰山南烏鵲窠山北金駱駝鏹柯不鑿孔斧子不施柯山南唐也烏鵲窠者人居寡也山北異域也金駱駝擄獲而重載也三水小牘曰乾符中劉乘仁為江州刺史自京將駱駝至郡因風而逸於廬山下南土

無此畜人見而大驚因聚徒擊射而斃乃以狀白州曰獲廬山精劉公訝其事既至愀然曰此吾橐駝也乃命瘞於江壩南部新書曰梁祖言於昭宗曰趙崇是輕薄團頭於鄂州坐上佯不識駱駝呼為山驢王遂阻三事之拜五代史曰晉軍擊契丹大敗德州喪車騎一白橐駝而走寰宇記曰周世祖征濠夜遣兵持炬乘駱駝絕淮濠兵驚以為鬼乘龍也遂名乘龍洲閑窻括異志曰王洙避暑神廟見一老人佗背及肋有搭白處明日視之乃橐駝也昨夕所見豈其精耶

駱駝三

原出天竺

鬪龍祠

廣志曰秦駝亦出天竺

識泉源

蘇秦傳曰蘇

東觀

於龍祠走馬鬪索駝以為樂事

實外廢

夾中陽

秦說楚威王曰大

蘇秦傳曰蘇

見上

下詳上博物志

實外廢

夾中陽

秦說楚威王曰大

蘇秦傳曰蘇

見上

王誠能用臣之愚計則韓齊燕趙鄭衛之妙音美人必

充後宮燕代索駝良馬必實外廢

陸翹

中記曰二

孔阜

既

銅駝如馬形長一丈高一丈足如牛尾長

二尺脊如馬鞍在中陽門外夾道相向

孔阜

既

孔阜

既

開卓大也

街尾

量力

量力

偶語

昂頭

清明投轄錄曰有駝以役然遂免此苦吾將奈何答曰諫議

來日當有萬里之役然遂免此苦吾將奈何答曰諫議

願白寬會當免耳使出竊視之乃庭中二駝也次早有

大昂頭仰視郎中張元

取經

奏事

一為望柳吉駝駝

取經

奏事

胡燭鼓山長樂

寺碑

州山

末嘗使人往此寺取經函使者辭以不見按齊志云天寶

取經

奏事

胡燭鼓山長樂

寺碑

州山

中有竹林寺五百羅漢所居隱而不見按齊志云天寶

取經

奏事

胡燭鼓山長樂

寺碑

州山

我路乘之則自至矣使者入山果見一寺門有數僧

相謂曰高洋駝來也問使者曰爾天子使汝來何求

僧命取與之寺東廊從北第一房取經函及尺八黃帕等

青命取與之寺東廊從北第一房取經函及尺八黃帕等

駝以奏事白通遠遣使嘗乘白駝

迷密一峯

脚北史曰迷密國正平元年遣使

遺使

遺使

遺使

遺使

遺使

魚函楊妃私傳曰明皇時交趾貢瑞龍腦香上賜貴妃

有毛夜能明私傳曰明皇時交趾貢瑞龍腦香上賜貴妃

之役駝負函盛水養魚以自給宋孫承佑從太宗

北代以駝負函盛水養魚以自給宋孫承佑從太宗

函駝自隨

助軍

辛以兵部侍郎李涵持節冊拜可敦是時財用屈務公

鄉驛駝

陳廟堂

載珍寶

唐百官志曰獻駝馬則陳

府以駝

嘗以駝

陳廟堂

載珍寶

唐百官志曰獻駝馬則陳

府以駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

駝

豐倉米給禁軍孔帖曰南蠻寶利佛迹有峯出翠

駱駝豹文而犀角且耕且耒名曰牛駝豹

釜索垂鈴棧詩曰索垂鈴棧駝鳴圓按義訓曰牛之

聲曰年駝羣七十收數千孔帖曰駝之羣以七十

散回紇羣胡葉一圍鹽三合典廢令曰凡駝牛日

擁褐蒙帕成自虛自渭南晚過東陽驛遇雪夜止

定蹤流沙千里度衰容傳得南宗心地後此身應便老

雙峯及曉視之乃一病索駝在焉下見後梅聖俞詩

立雪知風輟耕錄曰白湛淵先生續演雅十詩有

黃肉屏那足擬者沙漠雪盛令兩駝跌其旁終夜不動

用斷梗架片種其上煖勝肉屏且不起心兵也一郁離

子曰知風莫過於老駝

駱駝四

詩宋梅堯臣駱駝詩曰鳴駝出西域銜尾足連連漢

驛凌雲去胡兒踏雪牽當時識風候過磧辨沙泉老覺

肉峯側猶蒙錦帕鮮元王逢嘆病駝詩曰狂夫東遊

乘白驪道途適遇病索駝紫毛無復好容色肉鞍尚聳

雙坡陀南人從來不夢此私怪目擊臨干戈泉渠元自

控蕃落天苑畢竟連銀河吳郊楚甸水草淺任重却欲

千斤過青袍朝士為起立齒帽番僧時撫摩熱風吹塵

鼻出火積雨成潦瘡生窠牛蝨狗蝨苦嘔血末由驅除

知奈何憶昔灤京避暑日氣骨備從鑿和沈沈金甕

夾桐馬衰衰錦帶懸靈鼉服力輦下藉鬚刷屈跡澤畔

甘蹉跎疇能推廣愛鳥義沒齒仰飼公田禾

**原**贊晉郭璞索駝贊曰駝惟奇畜肉鞍是被迅驚流沙

顯功絕地潛識泉源微乎其智

牛一

**原**爾雅曰摩牛音麻重千斤出巴中爆牛犂牛也蒲角反攏牛音庫卑小音犂

牛牛大者出蜀中犗牛無角黑皆相音黑耳犂音其子犗體長

犗音絕有力欣犗音又曰角一俯一仰犗音皆踊

犗音晉豎黑唇犗音七尺為犗黑腹牧黑脚犗音

許慎說文曰牡畜父也從牛土聲牯古郎反特牛犗牛牝

畜母也從牛七聲犗牛子也犗音外二歲牛也犗音山耽

三歲牛也牯思貳反四歲牛也犗音又騰駮牛也犗音莫江

白黑雜毛牛也犗力強反犗牛也犗力制反牛白脊也犗音達

黃牛虎文也犗力強反犗牛白脊也犗音四耕牛駮

如星也犗音表牛黃白色也犗音而純黃牛黑唇也犗音岳

白牛也犗音居羊牛長脊也犗音牛徐行也犗牛息聲也

一曰牛鳴犗音全牛純色也犗音谷牛馬牢也犗音楚狗以芻

莖養牛也犗音如小牛柔謹也呂忱字林曰物音火口牛

鳴也犗野牛也犗音皮祕牛具齒也音牛八歲何承天纂

文曰犗音牛後脚正也牛羊無角謂之犗音苦戈牛羊

角長謂之犗音徒廣志曰犗音滿角牛一曰犗牛有赤

犗音牛

犗音牛

犗音牛

犗音牛

犗音牛

犗音牛

犗音牛

犗音牛



豹封牛周留水牛毛青腹大狀如豬有牧牛項上堆肉  
大如斗似駝駝日行三百里出徐門有犛牛猶庫小今  
謂之稷牛又呼累下牛出廣州高涼郡犛五威牛如牛  
而大肉數千斤出蜀中夔牛重千斤晉時此牛出上庸  
郡犛力涉牛旄牛也髀膝尾間皆有長毛花蹄牛高六  
尺尾環繞角有四耳角端有肉蹄如蓮花堂牛色黑或  
黃日南有之潛牛形如水牛一名牯沈牛麟牛似鹿又  
似羊肉美犛力牛如駝駝能行又有犛牛增格物總  
論曰牛母為牯牛父為牯原易曰畜牝牛吉 又曰  
服牛乘馬引重致遠增又曰童牛之牯元吉 又曰

或繫之牛行人之得邑人之災原又曰坤為牛 毛

詩曰日之夕矣牛羊下來 又曰爾牛來思其耳溼溼

其耳周官曰牛人掌養國之公牛以待政令祭祀

供享牛求牛賓客供積膳牛饗食供膳羞牛軍事供犒

牛喪事供奠牛軍旅供兵車之牛牛角長二尺有五寸

三色不失謂之戴牛三色本白中青也冬官考工

記曰稱牛之角直而澤老牛之角終而昔昔讀為交

原禮記曰祭宗廟之禮牛曰一元大武祭廟之名祭天

地之牛角繭栗宗廟之牛角握賓客之牛角尺 又曰

帝牛不吉以為稷牛帝牛必在滌三月稷牛惟具 又

獸部 牛

曰天子以犧牛全色也諸侯以肥牛大夫以索牛求得即

會曰卜盧純牛大夏茲白牛野獸形似白牛數楚每牛純牛每

牛牛之小者也郡國志曰賓州特亮縣昔有白牛夜

出光影照耀人見牛光號為特亮交州記曰九真居

風山夷人有一媪向田見牛出食斫得鼻鎖長丈餘後

人往往見牛夜出光耀數十里也

牛岐胡壽岐牽兩臆下分為三眼去角近行駛眼欲得大眼中有

白脈貫童子最快二軌齊者快二軌從鼻至髀為前軌從髀至額為後軌頸

骨長且大駛壁堂欲得濶壁堂廊股門倚欲得如絆馬聚而正也

行欲如羊膺庭欲得廣膺庭習前也天關欲行成天關脊接骨儻

骨欲得垂脊中夾捶頭欲得高百體欲得緊蘭株欲得

大尾株豐岳欲得大膝株骨垂星欲得有怒肉垂星蹄上也肉覆蹄間名

力柱欲得大而成骨也懸蹄欲得如八字陰虹屬頸

千里陰虹者有雙筋自尾骨屬頸窳公所飯陽鹽欲得廣陽鹽者夾尾株前兩膝上角

欲得細身欲得促形欲得如卷大臙疎肋難齡龍頭突

目好跳常似鳴者有黃又曰洞胡無壽珠淵無壽

旋毛當目下也上池有亂毛妨主凶上池魚中央也豪筋欲得成就豪筋

毛欲得短密若長疎不耐寒氣尾不用至地尾

毛少骨多有力毛拳角冷者有病膝上肉欲得堅鼻如

鏡難牽繫府方易飼水牛肚大尾青最有力 呂氏春  
秋曰亂國之妖有牛馬言 淮南子曰牛岐蹄而戴角  
者天也穿牛之鼻者人也 又曰剝牛皮以為鼓震三  
軍之衆然而為牛計者不若服軛 又曰取牛膽塗釜  
熱即鳴 又曰牛膽塗目莫知其誰注曰取八歲黃牛  
膽桂三寸著膽中百日因使巧工刻丈夫象著目下為  
女子著頭上為小兒著頭下盛以五綵囊先齊宿無令  
人知也 五行傳曰牛畜之任重者屬思 論衡曰牡  
馬見雌牛不相合者異類也 風俗通曰賣牛勿握角  
令不售恐觸人人不敢取 博物志曰蜀牛不施繩右

前曰排左側曰促而生解人語

**原**元中記曰萬歲樹

精為青牛

**增**金樓子曰東海中有牛剝其皮貫之潮

水至則毛起潮去則毛弭

**原**袁山松宜都山川記曰

自峽口泝江百許里至苦牛灘南岬有重山山頂有石  
壁上有人負力牽黃牛人跡所絕莫能究焉 竺法真

登廬山疏曰增城縣南有列渚洲洲南又有牛潭北岬  
有石周圍三丈漁人見金鎖牛嘗出水盤鎖此石上縣  
人張安釣於石上躡得金鎖數十尋俄有物從水中引  
之力不能禁以刃斷之惟得數尺遂致大富 **增**集異  
記曰兗州人船行忽見水上有浮鎖牽取得數十丈乃

得一白牛與常牛無異而形甚光鮮可愛知是神物乃  
放之牛入水鎖亦隨去 吳普本草曰牛黃味苦無毒  
牛出入呻者有之夜有光走角中牛死入膽中如雞子  
黃 酉陽雜俎曰牛有黃者或吐弄之嘗有人得其所  
吐黃剖之中有物如蝶飛去 杜陽雜編曰牛羊共居  
丑未之位牛色蒼雖有雜毛而蒼多近於春陽之生氣  
故草木經牛噉之餘必重茂 嶺表錄異曰瓊州不產  
驢馬人多騎黃牛亦飾以鞍韉加之銜勒可騎者皆自  
小習其步驟亦甚有穩快者 埤雅曰牛之為物病則  
耳燥安則溫潤而澤故古之視牛者以耳祭義所謂大

夫袒而毛牛尚耳也 廣雅曰牛陰物也故起先後足  
臥先前足 仇池筆記曰牛鬪尾入兩股間 造化權  
輿曰乾為馬坤為牛乾陽也故馬蹄圓坤陰也故牛蹄  
圻陽病則陰勝故馬疾則臥陰病則陽勝故牛疾則立  
席上腐談曰牛順物順風而行則順 空同子曰牛  
主耕故柔 束皙近遊賦曰乘露車以偃蹇駕蘭單之  
疲牛連縷索以為鞅結斷梗而為鞅 李後村詩曰牛  
牧雨聲陂 宋孔平仲禾熟詩曰老牛粗了耕耘債嚙  
草坡頭臥夕陽 宋孫覿詩曰老牯浮鼻水中歸 宋  
范成大詩曰繫牛莫礙門前路移繫門西碌碡邊 陸

游詩曰烟浦聽呼牛 又曰歸牛自識家 又曰平野  
草深黃犢健 又曰疲牛臥斜日

牛二

**原** 呂氏春秋曰昔葛天氏之樂三人操牛尾投足以歌  
八闋 世本曰胙作服牛 胙音帝臣 也能駕牛 **增** 又曰少昊時

人始駕牛 **原** 符子曰堯以天下讓巢父巢父曰君之  
牧天下亦猶余之牧孤犢君牧天下是各有其所牧矣  
君焉用惴惴然以所牧而與余余無用天下為也於是  
牽犢而去 **增** 山海經曰稷之孫曰叔均是始作牛耕  
注始用牛犁也 穆天子傳曰天子大饗正諸侯王七

萃之士於不衍鷄韓之人獻用牛三百 又曰天子飲

於文山有獻牝牛二百牛能行沙中如橐駝 拾遺記

曰周幽王時牛化為虎 **原** 列異經曰秦文公伐梓樹

梓樹化為牛文公遣騎擊之騎墮地被髮牛畏之入水

不出沒豐水中秦乃立怒特祠 **琴操**曰甯戚飯牛車

下叩角而商歌曰南山矸白石爛生不逢堯與舜禪短

布單衣裁至軒長夜漫漫何時旦齊桓公聞之舉以為

相 呂氏春秋曰百里奚未遇時飯牛於秦鬻以五羊

之皮公孫枝得而獻諸穆公穆公用之謀無不當舉必

有功 張溫自理曰昔百里奚賢繆公欲干之繆公好

牛奚因賃養牛公出遊登車以問百里百里曰臣之所  
長非養牛者也乃養民也視牛察士乃知賢人也遂與  
同車而出左傳曰介葛盧來朝禮之加宴好葛盧聞  
牛鳴曰是生三犧皆用之矣其音云問之而信又曰  
秦師伐鄭商人弦高將市於周遇之以乘韋先牛十二  
犒師曰寡君聞吾子將涉師出於敝邑敢犒從者又  
曰楚子爲陳夏氏亂故伐陳殺夏徵舒因縣陳申叔時  
使於齊復命不賀而退王使讓之對曰抑人有言曰牽  
牛以蹊人之田而奪之牛牽牛以蹊者信有罪矣而奪  
之牛罰已重矣諸侯之從討有罪今縣陳貪其富也無

乃不可乎王曰善又曰鼯鼠食郊牛角改卜牛鼯鼠  
又食其角乃免牛莊子曰或聘莊子應其使曰子見  
夫犧牛乎衣以綵繒文繡食以藟菽及其牽而入於太  
廟雖欲爲孤犢其可得乎又曰庖丁爲惠文君解牛  
曰臣之刀十九年所解千牛而刀亦若新彼節者有間  
而刀亦無厚以無厚入有間恢恢乎其於遊亦必有餘  
地是以十九年刀亦如新蜀王本記曰秦惠王欲伐  
蜀乃刻五石牛置金其後蜀人見之以爲牛能大便金  
牛下有養卒以爲此天牛也能便金蜀王以爲然即發  
卒千人使五丁力士拖牛成道致三枚於成都秦得道

通石牛力也後遣丞相張儀等隨石牛道伐蜀 孟子  
齊宣王問曰齊桓晉文之事可得聞乎孟子曰仲尼之  
徒無道者未之聞也臣聞王坐堂上有牽牛過者王問  
之對曰將以釁鐘王曰吾不忍其觶齮而就死以羊易  
之是見牛未見羊也此乃仁術足以王矣 史記曰騎  
劫攻即墨田單取牛千頭衣以五彩束矛其角縛火其  
尾穿城而出牛壯士五千銜枚隨其後牛出火明所觸  
皆死壯士因擊之城上士大譟燕師大敗騎劫死乘勝  
追北三戰三克遂收齊城 風俗通曰秦昭王使李冰  
為蜀守開成都兩江澗田萬頃江神歲取童女二人為

婦冰自以其女與神為婚往至神祠勸神酒杯但澹水  
冰厲聲責之因忽不見良久有兩蒼牛鬪於岍傍有間  
冰還流汗謂官屬曰吾鬪太極不當相助耶南面腰中  
正白者我綬也主簿乃刺殺北面者江神遂死蜀人慕  
其氣決凡壯健者因名冰兒 漢書曰梁孝王北獵獻  
牛者足出背上 漢武內傳曰封君達少好道入鳥鼠  
山百餘年還鄉里常乘青牛故謂為青牛道士 湘  
中記曰長沙西南有金牛巖漢武帝時有一田父牽赤  
牛告漁人欲渡漁人曰船小恐不勝牛田父曰但相容  
不重困於君船於是人牛俱上及半江牛冀於船田父

曰以此相贈既渡漁人怒其汚船以橈撥糞棄水欲盡  
方覺是金訶其神異乃躡之但見人牛入嶺隨至而掘  
之莫能及也今掘處猶存 洞冥記曰元封中大秦獻  
牛善走多力使輦銅石起望仙宮迹在石上皆如花形  
故陽關之外有花牛津 **原**博物志曰近世有居於海  
渚年年八月有浮槎來甚大往返不失其期此人乃齋  
糧乘槎而去忽忽不覺晝夜奄至一處有城郭屋舍宛  
然望室中多見織婦見一丈夫牽牛渚次飲之此人還  
以問蜀人嚴君平君平曰某月有客星犯斗牛即此人  
到天河也 **增**後漢書曰光武初起騎牛殺新野尉乃

得馬

**酉陽雜俎**曰漢建武二十一年有人騎白牛蹊

人田田父訶詰之乃曰吾北海使將看天子登封遂乘  
牛上山田父尋至山惟見牛跡遺糞皆為銀明年世祖  
封禪 **原**謝承後漢書曰劉寬常行有人失牛者乃於

路就寬車中認之寬無所言下駕步歸有頃認者得牛  
而送還叩頭謝曰慚負長者寬曰物有相類事容脫誤  
幸勞見歸何為謝也 漢書曰桓帝出遊河上忽有一  
青牛從河中出走蹠帝人皆驚走大尉公時為殿中將  
軍有勇力走逆牛牛見公走還河公以手挽牛左足右  
手持斧斫牛頭而殺之此青牛者萬年之木精也 諸



葛亮集曰木牛者方腹曲頭一脚四足頭入領中舌着於腹載多而行少宜可大用不可小使特行者數十羣行二十里曲者為牛頭雙者為牛蹄橫者為牛項搏者為牛足也 蜀志曰蔣琬夜夢有一牛頭在門前流血滂沱意甚惡之間占夢趙直直曰夫見血者事分明也牛角及鼻公字之象君位當至公大吉之徵也 魏略曰鉅鹿時苗為壽春令始至官乘犉牛歲餘牛生一犢及去留其犢謂主簿曰令來時本無此犢是淮南所生也吏曰六畜不識父自當隨其母苗不聽 曹嘉之晉記曰羊祜子暨為青州刺史牛於州產犢及暨去職以

官室所生遺之而去

**增**相牛經曰自甯戚傳百里奚

漢世河西薛公得其書以相牛千百不失至魏世高堂生傳晉高祖宣皇帝其後王愷秘其書 晉朝雜事曰太康九年三月幽州上言塞北有死牛頭語 干寶晉記曰南康朱冲其鄰人失犢與冲犢相類來取之冲不與爭後得之於堅冰之下慚謝冲冲不受 晉書曰石崇與貴戚王愷奢靡相尚嘗與出遊爭入洛城崇牛迅若飛禽愷不能及乃密貸其帳下問其所以對曰牛奔本迅良由御者逐之不及而反制之可聽偏轅則駛矣因從之遂爭長 又曰王延家中生一犢他人認之延

牽與之初無憾色其人後知其妄認送犢還延叩頭謝  
罪延以與之不取也 物異志曰惠帝大安中張聘所  
乘母牛言曰天下亂乘我何之聘懼而還又曰歸何早  
也後又人立而行 晉書曰扶餘國若有軍事殺牛祭  
天以其蹄占吉凶蹄解者為凶合者為吉也 渚宮故  
事曰桓沖鎮江陵正會夕當烹牛牛忽熟視帳下都督  
甚久目中淚下都督呪之曰汝若能向我跪者當啓活  
也牛應聲而拜衆甚異之都督復謂曰汝若須活遍拜  
衆人牛涕隕如雨遂遍拜值沖醉不得啓遂殺之 幽  
明錄曰桓靈寶在南郡國居第時出詣殷荊州於鵠穴

逢一老公驅青牛桓即以所乘馬易牛乘至零陵駛疾  
非常因自駕飲牛牛徑入水不出桓遣人覘守經日絕  
跡也 劉敬叔異苑曰余以義熙十三年為長沙景王  
驃騎參軍在西州得一黃牛時將貨之便晝夜流淚銜  
草不食 幽明錄曰元嘉中益州刺史吉翰遷為南徐  
州先於蜀中載一青牛嘗自乘翰邁疾多日牛亦不肯  
食及亡牛流涕滂沱吉氏喪未還都先遣驅牛向宅牛  
不肯行知其異即待喪喪既下船便隨去 南齊書曰  
齊明帝賜蕭穎曾以常所乘白榆牛 事文類聚曰陶  
弘景梁人隱身不仕武帝屢聘之弘景乃畫兩牛以獻

一牛放水草之間一牛着金籠頭有人執杖驅之帝笑  
曰此人欲效曳尾之龜豈可致之 三國典略曰梁出  
師拒侯景卻陵王綸次鍾離將殺牛勞士一牛走入馬  
廄抵殺綸所乘駿馬又以兩角貫一馬腹載之而行衝  
突營幕軍中驚亂 後魏書曰魏道武謂尚書崔元伯  
曰蠕蠕之人昔來號為頑鷲每來操掠駕犍牛奔遁驅  
犍牛隨之犍牛伏不能前異部人有教其以犍牛易之  
者蠕蠕曰其母尚不能行而況其子終於不易遂為敵  
所虜 北史曰後魏元仲景性嚴峭孝莊時兼御史中  
尉京師肅然每向臺恒駕赤牛時人號赤牛中尉 劉

子元乘馬議曰魏晉以降訖於隋代朝士又駕牛車  
朝野僉載曰洛州杜元有牛一頭甚憐之夜夢見其牛  
有兩尾以問占者李仙藥曰牛字有兩尾失字也經歲  
日果失之 武后元年有獻三足牛者宰相皆賀侍御  
史王求禮颺言曰凡物反常皆為妖此鼎足非其人政  
教不行之象也太后為之愀然 孔帖曰長安中宗晉  
卿家牛生三角大曆八年武功櫟陽民家牛生犢二首  
咸通七年荊州民家牛生犢五足 唐末京師春遊以  
觀牡丹為勝賞有富人劉訓者邀客賞花乃繫水牛數  
百在前指曰此劉氏黑牡丹也 詩話曰李家明滑稽

善諷諫從後主登臺望鍾山見牛臥樹陰下嗣主曰牛且熱矣家明上絕句曰曾遭竇戚鞭敲角又被田單火燎身闕背斜陽嚼枯草近來問喘更何人 宋仁宗慶曆中貝州卒王則叛八年以文彥博為河北宣撫使討之彥博穿地道入城賊縱火牛槍中牛鼻牛還攻賊賊大潰敗火牛一也田單用之而勝王則用之而敗 詩話曰陳仲舉賢良與寧中言新法不便謫南康酒稅豢兩黃犢時與劉凝之遊廬山凝之掛冠隱居嘗作騎牛歌曰我騎牛君莫笑世間萬物從吾好李伯時因畫為圖新安人竹州先生吳恭父微亦題古風云汗血聲利

場舉世循一軌風霜老叢棘松路石齒齒牛瘦僕夫疲  
纍纍山谷裏兩翁非病狂顧獨不取彼牛背有佳處未  
可語俗子 燕間常談曰宗汝霖澤政和初知萊州掖  
縣時戶部下提舉司科買牛黃督責甚急州縣百姓競  
屠牛以取黃既不登所科之數則相與斂錢以賄上下  
胥吏丐免汝霖獨以狀申提舉司言牛遇歲疫則多病  
有黃今太平之久和氣充塞縣境牛皆充牘無黃可取  
使者不能詰一縣獲免 清波雜志曰政和丁酉真州  
村民家羣犬爭一牛脛骨相啖不已村人持挺驅逐不  
去因奪而破之其中血髓堅凝如玉自成一菩薩象衣

紋瓔珞相貌奇特雖雕琢有所不及其家取而藏之  
又曰政和丁酉歲真州郊外一家屠一牛買肉者往往  
於剖割之際錚錚有聲視之於肉脉中皆有舍利大小  
不一光瑩如玉詢之數家皆有之自是一村之民不復  
食牛 夷堅志曰建昌控鶴鄉有汝嶺絕高民居嶺西  
者畜一水牛甚大每旦牧於嶺下至暮歸淳熙乙亥冬  
忽失所在遍索不得意爲盜所竊聞於保伍後三日有  
樵夫曰爾牛過嶺正見虎牛倚石崖下臨虎虎作勢相  
拒越衆莫敢逼奮刃直前將刺虎則牛虎皆已立死時  
方盛寒故僵而不仆民與二子昇還屠剥之視其肉虎

無他異獨牛之心膽皆已裂蓋力雖可格虎而震懼至  
是云 遼史禮志曰皇帝親征刑青牛白馬以祭天  
元史曰婦人製燕服不如法者及妬者乘以驕牛狗部  
中 又曰布智兒奮身力戰中數矢闕仆昏絕太祖命  
取一牛剖其腹納布智兒於牛腹浸熱血中移時遂甦  
一世史正綱曰北人呼牛爲不花元世祖賜楊漢英名  
曰賽因不花賽因好也不花牛也 輟耕錄曰陳雲嶠  
名柏爲侍儀舍人嘗雪中騎牛拜米南宮墓詩曰少年  
不解事買駿輕千金何如小黃犢踏雪空山深小小雙  
牧童吹笛穿松林醉拜南宮墓地下有知音



稱快 司馬遷曰僕伏法 祈鬼神 乘將相 周禮求

受詩若九牛而亡一毛 見月喘 因風逸 吳牛見月而

初將相或乘牛車 漢 見月喘 因風逸 吳牛見月而

飯肥 賣老 百里奚爵祿不入於心故飯牛而牛肥

不任耕駕是無用物收人利不可帝然乃在 莫尸

問喘 為承相見人逐傷展道盡矣 漢書丙吉字少卿

怪之吉曰春少陽用事未可無恐牛行 東鄰殺 南

近因暑故喘此候氣失節宰相當憂 穀梁四卜郊不

郊免 從乃免 免牛亦然 昭盜 宴豪 舒牛事覺來謝舒曰卿飢所

送於南郊 免牛亦然 昭盜 宴豪 舒牛事覺來謝舒曰卿飢所

卓字仲胤少遊巷中與豪帥相結後耕於野諸豪帥有

以食牛餘肉可共啖之世皆伏其雅量 謝舒曰卿飢所

從之者卓殺耕牛與宴樂豪感 殺塚間 牽轅外 訪

其意欲得雜畜千餘頭送遺之 殺塚間 牽轅外 訪

字士達鄉人盜訪牛殺於塚間訪尋得密埋 牧藪澤

其肉不使人知 周禮牽旁轅外晚之牛 牧藪澤

設福衡 衡置其藪澤 周禮牽旁轅外晚之牛 牧藪澤

也 觸人 角美 口傷 文子角美者身必死 左 同阜

服廂 牛馬同阜 詩晚 踐鞶 犯禾 牛詩瞻彼行鞶

犯冲 衝乃擔芻送牛字巨容少有大慙不敢復暴 用革

有皮 其堅韌不變也 左傳牛則有皮 鎖引 办

遊 索齋江賦昔有人釣於牛渚得金鎖引有 謝拯溺

供積膳 家語曰子路拯溺者其人拜之以牛于路受

放原藪 牽涼處 字幼安鄰有牛犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

牛 犯寧木者寧寧着

涼處飲食過其主乃 秋宜 夜鳴 膳膏腥 秋宜犢

大漸如犯於嚴刑也 諸侯不殺 太守欲市 禮諸侯無故

臭也羊幽反 承後漢書曰朱暉為郡吏有青牛太守阮况嘗欲市暉

牛暉不與及况卒贈送其子曰阮君生時不欲以汚君

非有愛也 生白犢 服紺轅 肇牽 始駕

肇謂服廂也 遊牝 通淫 月令云遊牝於牧 服

習 馴擾 握角合禮 駢毛中牲 或寢或訛

不狘不獠 有牧 不蠶 馬有鬃牛有牧 不疾疫

起於牽牛故 鼻聽 乳償 鼻聽也盟者聽於人神故

執牛耳而正以不聽為戒 宣驗記曰天竺僧養一犢

牛日得乳三升有一人乞乳牛曰我前生為奴偷法食

今以乳償之所得也 得絹 啖衾 朝野僉載曰龐帝師

前後生五犢得絹一百疋及翻轉得萬疋時號余犢子

盜之郡縣楚掠南唐時為員外郎時民曝衣失衾指鄰

失主一牛嚴令剖牛腹衾乃牛啖之猶未消潰鄰得免

償甥 還壻 茶戍邊留犢牛六頭於舅李壻家五年

產犢三十頭茶還壻索牛壻曰爾牛已死其半止還三頭

內即縛之雲收入獄捉壻至曰賊盜牛三十頭藏爾庄

酬犢餘盡還茶 隋史曰張允濟為武陽令元氏民以

能決乃諸允濟允濟因縛將歸而婦家不與民訴縣不

者令盡出牛質所從來婦家頭伏罪元氏吏大慚 耦

犁 偏轅 農以趙過為搜粟都尉耦犁二牛三人在於力

苦牛少平都令光教過為搜粟都尉耦犁二牛三人在於力

趙過創三犁之巧而關右以足 耦 下詳牛二 灌蛇

開監預丞卷四第廿五



逐兔 西陽雜俎曰北人牛瘦者多以蛇灌鼻口則為獨

任非其人費日無功 五足 六角 京房易傳曰與

妖牛生五足 送異記曰 結陣 出圈 結陣以却虎

牛善角虎環其首外觸虎雖待甚厚然亦陰忌其才蜀

五代劉知俊奔於蜀王建雖待其生歲在丑建之諸子

人亦共嫉之知俊為里巷造為謠言曰黑牛出圈樓繩

皆以宗承為名乃於里巷造為謠言曰黑牛出圈樓繩

斷建益 執鼠 問 莊子曰犁牛大如垂天之雲此

惡之 聲氏之牛夜亡而過 莊子曰我尚有一足王於子矣

不善子一足而論 衡曰十圍之牛為牧 折角 駢蹄

十圍 六尺 南齊書曰陳顯達家既豪富諸子與王敬則諸兒並精

車牛當世快牛稱陳世子青王三郎烏呂文顯折角並精

麗墨白鼻而皆集陳合日行三百里此牛尸塗國所獻

靈芸駕青色駢蹄之牛

足如馬 蹄也 角乘 格餌 海錄碎事曰梧州出獨峯牛土

嚴有盜屠私取不致顯其名稱曰格餌 善觸 易

牽 山堂肆考曰牛之相亂曉善觸 割肉 斷尾 元中

斤明口其肉已復 齋亦愈又博物志曰越舊國有牛三四

割取肉經日必復 生或射之乃自斷其尾長 倒石 載

而動中國以為 纓人或射之乃自斷其尾長 倒石 載

沙 帝命時盛興安國佛祠吐突承璫請紀聖德絳請罷

車 帝命時盛興安國佛祠吐突承璫請紀聖德絳請罷

載 帝命時盛興安國佛祠吐突承璫請紀聖德絳請罷

血 帝命時盛興安國佛祠吐突承璫請紀聖德絳請罷

禁屠 和 市 北牛上書曰今河南北牛疫 齊氣 趙雲 日齊氣

十不 一 在 詔 難 和 市 甚 於 柳 奪 齊 氣 趙 雲 日 齊 氣

之見為牛雲氣 臥水 當風抱朴子曰南方水牛

占曰趙雲如牛壯小犢跳梁弄角飲水 毛垂地 角抵

風俗通曰乍壯小犢跳梁弄角飲水 數石生芻十束當風露夜至死不曲

牆元張憲京雜詠曰車如流水毛牛捷注云毛牛其

字 踐田 飲江水者昔程鄭於此飲牛江為之竭

犒師 資聘上詳左傳志曰鎮寧州俗 角挂書

背畫字 唐書曰李密聞包圍在綏山往從之乘一黃

牛其師使牧牛羽潛以竹畫牛背為字 載二人 大千

石幽明錄曰護軍鄒耶王華有一牛甚快常乘之齒已

過此必死華謂偶爾夢與三人同載還府此牛果死

南越志曰緩安縣北有連山昔越王建德代吳得牛其

大千石以童男女三千人牽之既而入船俱見於潭後

之附船者聞有駭然之聲往往有青牛與船俱見今名

越王 布裹角 豆入口 列子曰詹何坐弟子侍有牛

潭 黑白在其蹄詹何曰然黑牛也而白在其頭使人視之

果黑牛而以布裹其角 孔帖曰實建德竄牛口谷初

其軍有謠曰豆入牛 變白 塗藍唐韋詢嘉話錄云

口勢不得久果敗 變白 塗藍蔡州將破有水牛

黑色入池浴既出身白皎然惟頭不變 幽怪錄曰葉

城婦耿氏家有牛澤而角忽有二鬼入圈視牛曰引重

致遠毛角筋骨可愛我州無此牛洵天下之美俊也其

婦視牛則喘喘然汗流若沃水其翁染取藍花塗之纔

畢有軍吏紫衣乘馬從數十騎突入視牛則異前所報

大怒呼牛主問之數人梓其翁以出婦汲水洗牛藍色

盡而翁復甦視 額有萬字 角容一石文苑英華云

李元素進拍牛一頭額上有萬字賜馬一匹李嶠代為

謝表云萬為盈數化成於大武之元拍者粹文炳煥於

獸部

牛

牛

牛

牛

一黃牛牯來過都女悅之遂留相奉侍都女隨犢于山  
取桃一宿而返顧微廣州記曰陽縣里民有一兒年  
十五六牧牛牛忽舐之兒俄而病死其家殺此牛以供賓客  
遂聽牛日曰舐之兒俄而病死其家殺此牛以供賓客  
凡食此牛肉者男女黃鐘滿脰白綬在腰上見後  
二十人悉變為虎賦又管子曰凡聽宮如牛鳴帝中牛含  
宮聲又牛之鳴曰年下詳風俗通冀成肉酪  
皮化袈裟生四子一子化為鴻遂委三子謂曰爾可隨  
古旃古旃牛也三子因隨化牛所糞悉成肉酪夷堅  
續志曰昔有人名阿李有子出外經商止有兒媳七嫂  
在家媳每飯兩炊以麥飯姑婦自白飯稍與婦忤九受  
辱罵即麥飯亦不進食李忍辱不敢言一日婦往鄰家  
留姑守舍有僧持鉢乞食李曰吾自不飽安有施捨僧  
指厨中白飯李曰此吾兒婦所食不敢與人我早飯麥  
飯尚有一合留備午餉如用即收去僧未答適婦外歸  
大怒曰汝要我自飯可脫袈裟僧脫下婦纒披之僧即  
不見袈裟着身化為牛皮牢不可脫胸間先生牛毛倏  
焉過身惟餘本頭急報其父母至則全身化為牛矣

筋如小竹 蹄若蓮花 志怪曰苟晞為交州鎮去京  
欲貽都邑親貴慮經信宿之間不復鮮美慕有牛能日  
行數百里者當厚賞之有人進一牛云此一日行千里  
晞乃命其丁車善馭之書疏發遣旦發日中到京師取  
答書還至一更始竟使達晞以駿快筋骨必將有異遂  
殺而觀之亦無靈異惟見雙筋如小竹大自 叩角  
頭挾脊着肉裏故不覺也 下詳牛一廣志 叩角  
引鼻 上詳琴操 呂氏春秋曰使鳥獲從後曳牛之尾  
豐子牽而 骨如覆斗 角若擔矛 異物志曰合浦牛  
周四海矣 特骨大如覆斗足健疾其行百里 鬱林異物志曰州  
留者其實水牛蒼毛豕身角若擔矛護衛其犢與虎為  
譬 肉美皮温 頭白身黑 廣志曰麒麟牛似鹿又似羊  
寰宇記曰九真有糖牛形如牛而 青麻為靽 錦縷  
大頭白身黑角長二丈堪為酒器 繫角 晉陽秋曰武帝時有司奏御牛青絲靽斷論以青  
繫角 麻代之 耕桑偶記曰青齊間遇春耕則飼牛以

獸部 牛 三

天麻飯仍用錦  
縷繫於角上  
三歲犢  
千金糖  
北史曰道武時窟

咄曰三歲犢豈勝重戴言窟咄長而帝少也  
明帝問周伯仁真長何如人答曰故是千金糖特王公

笑其言伯仁曰不如搵角  
特有靈辟之好以戲王也  
斷芻置門  
求草令飲

先賢傳曰羅威字德仁南海番禺人鄰家牛數入田食  
其禾既不可遂乃斷芻多着牛家門中牛主驚覺於是

不敢復侵威田  
宋書曰江湛為吏部尚  
令文折頸

辛謹持角  
孔帖曰宋令文有角折其頸殺之  
又

曰辛謹少耕於野有牛鬪眾畏奔踐謹直前  
兩持其角牛不能動久而引觸竟折其角  
乘經酒

肆  
卜在帽筒  
孔帖曰王績乘牛經酒肆或留數日  
請桑國師占師曰爾牛在賈相公帽筒中叟迎公馬首

訴之公笑取筒中展盤據鞍作卦曰爾牛在妥國觀三  
見傍有繫牛乃獲盜牛者

牛四

賣劍買  
漢龔遂字少卿為渤海守人多帶刀劍令  
賣劍買牛賣刀買犢何為帶牛而佩劍乎

賣猪買  
齊食貨志曰魏時濟北顏斐為京兆尹人無牛  
二年間皆  
賣鹽買  
魏志云衛顛字伯儒請置使監賣

有牛也  
增  
野牛  
杜預奏事曰臣前在南聞魏興西北山

給之以  
形不與中國相似  
海牛  
齊地記曰東萊海島上嘗以

亦野獸中希有  
而無角駢色虎聲爪牙亦如虎脚似鼉尾似鮎尾長尺

之餘其皮甚軟可供百用見人則奔入水以故擊鼻則得

之  
金牛  
述異記曰洞庭山上有天帝壇山有金牛

跡存焉故號為金牛穴  
武昌郡記曰武昌牛出踐  
相傳云有金牛出此今已崩破坑大數十丈牛躍出踐

岡邊石遺跡尚在  
錢唐記曰明聖湖有金牛嘗有見  
者神化莫測遂名湖  
九域志曰奔牛堰在常州故老

獸部

牛

相傳有金牛奔石牛一統志曰石牛在鬱林州東南  
此故以名之也中每遇歲旱則民殺牛禱雨  
以牛血和泥塗石牛背祀畢乃雨泥盡乃晴又洛陽  
記曰石牛在城西石虎當衰石牛夜鳴聲聞三十里事  
奏虎使人打失牛耳及土牛月令曰季冬命有司  
尾以鍊釘釘四脚今具存出土牛以示農耕之  
早神牛博物志曰九真有神牛生於上出時共關即  
晚神牛海沸或出關所上人家牛皆怖人或遮捕即  
霹靂至號竹牛昨夢錄曰西夏有竹牛重數百斤角  
曰神牛甚長而黃黑相間用以製弓極佳

牛五

**原詩** 隋柳顧言詠死牛詩曰一朝辭紺幘千里別黃河  
對衣徒下泣扣角詎聞歌 **增** 唐李嶠咏牛詩曰齊歌  
初入相燕陣早橫功欲向桃林下先過梓樹中在吳頻  
喘月奔夢屢驚風不用五丁士如何九折通 陸龜蒙

牧牛歌曰江草萋萋正秋半十角吳牛放江岬聳肩抵  
尾乍依隈橫去斜奔忽分散荒陂斷塹無端入背上時  
時孤鳥立日暮相將帶雨歸田家烟火微茫濕 宋梅  
堯臣水牛拽車詩曰只見吳牛事水田只見黃犂負車  
輓今牽大車同一羣又與騾驢走長陌印頭濶步塵蒙  
蒙不似綏耕泥汨汨一一夜眠頭向南越鳥心腸誰辨  
白 陳造車堰牛詩曰牛力輕萬鈞性順異諸畜有足  
不解跼有角不皆觸課日引耒耜為人給穀粟私家憂  
闕食公家要餘蓄公私難相須置汝誰取足奈何過堰  
客行舟動千斛挽牽亦諉汝顛顛頭髀縮扣角一勞之

不語對以腹物生愧無用懷安或非福於人儻有益厓  
身豈云酷君看廟前牲被繡飽葛菽膏血薦鼎俎誰定  
悲轂鯨 張耒牧牛兒詩曰牧牛兒遠陂牧遠陂牧牛  
芳草綠兒怒掉鞭牛不觸澗邊柳古南風清麥深蔽目  
田野平烏犍礪角逐草行老犉臥噉飢不鳴犢兒跳梁  
沒草去隔林應母時一聲老翁念兒自攜餉出門先上  
岡頭望日斜風雨溼蓑衣拍手唱歌尋伴歸遠村放牛  
風日薄近村放牛泥水惡珠璣燕趙兒不知兒生但知  
牛背樂 陸游買牛詩曰老子傾囊得萬錢石帆上下  
買烏犍牧童避雨歸來晚一笛春風草滿川

**原賦**宋孔寧子斃牛賦曰惟茲獸之攸生亦棲遐而憑  
阻遁綿野於岷隅挹清源於庸渚奔逸躅而倫珍載賁  
首而乳犛茸長鬣之髮懸戾狼情而首鼠蕩羔羊之如  
膏伴蜉蝣之楚楚既作表於禮樂又爲容於軍旅奉藩  
岳之休明被戎荒而既序班賂而來庭超邛蒟乎其  
所 臧道顏駢牛賦曰若乃豪宗戚裔公侯王后乘輕  
御肥貂蟬耀首翟翟華貂鑠鑠雲母良犉擢足於雙鳥  
名駿疊迹於左右如貴遊踊躍於絕倫觀者媿妍其好  
醜遂慕駿駛以相高精彼奇選之希有儀體既美特資  
高足名參飛兔價齊驥騮 **唐**柳宗元牛賦曰牛之

為物魁形巨首毛角疎厚年然而鳴黃鐘滿脰抵觸隆  
曦日耕百畝往來修直植乃禾黍自種自斂服箱以走  
輸入官倉已不適口富窮飽飢功用不有陷泥蹙塊常  
在草野人不慙愧利滿天下皮角見用肩尻莫保

**原贊**梁劉孝威辟厭青牛畫贊曰泰山怒特吳渚神牛  
氣噓風噴精廻電流詎牽和鞅不入裴鞞狡力難京肆  
怒橫行朗陵瑩角介葛占聲遁仙託稱妖寇憑名名震  
八區威陵五都蓄勇槽側息憤場隅仇覽獻豆滕嬰進  
芻雄兒楷式悍士規模曹興拂采徐邈成畝

**原表**魏曹植上牛表曰臣聞物以洪珍細亦或貴故不  
見焦僥之微不知決漉之泰不見果下之乘不別龍馬  
之大高下相懸所以致觀也謹奉牛一頭不足追遵大  
小之制形少有殊敢不獻上

**原啓**梁元帝謝東宮齋蒸粟牛啓曰色似祕府之書毛  
類陳王之玉驊角未奇瑩蹄非貴劉孝儀謝始興王  
賜車牛啓曰下官安於躡屩習以成性乘堅驅駿未所  
厝心慈渥無涯每垂獎飾無復難載之朋將申共敝之  
美濯龍望水未足儔光長門聽雷不能均響又謝豫  
章王賜牛啓曰觀其毛角相合骨相應鬲曳流水而生  
片驚高限其如接遂使上阜輟駕下澤是驅馮軾修途

既獲坐馳之致馴豢廣庭方念載憂之勗

**原書**梁劉孝威謝南唐王讓牛書曰雖復蜀守神牛秦公怒特穆生白角何氏瑩蹄無以逾其勁力邁其致遠直宿九重獲免疏步路休三選且息徒行從祀甘泉方無假於丞相騎至清廟又永笑於博陽

**增**雜文宋蘇軾書柳子厚牛賦後曰嶺外俗皆恬殺牛而海南為甚客自高州載牛渡海百尾一舟遇風不順飢渴相倚以死者無數牛登舟皆鳴既至海南耕者與屠者常相半病不飲藥但殺牛以禱地產沉水香香必以牛易之黎人得牛皆以祭鬼無脫者中國人以沉水

香供佛燻帝求福此皆燒牛肉也何福之能得哀哉  
司馬光寬牛問曰華州村徃歲有耕田者日晡疲甚乃枕犂而臥乳虎翳林間怒髭搖尾張勢作威欲啖而食之屢前牛輒以身立其人之體上左右以角拉虎甚力虎不得食垂涎至地而去其人則熟寢未之知也虎行已遠牛具離其體人則覺而惡之意以為妖因杖牛牛不能言而犇輒自逐之盡怒而得愈見怪焉歸而殺之解其體食其肉而不悔夫牛有功而見殺盡力於不見知之地死而不能以自明向使其人早覺而悟虎之害已則牛知免而獲德矣惟牛出身捍虎於其人未覺之

獸



前此所以功立而身斃也

淵鑑類函卷四百三十五

夫君子之於道也... 其入之歸土... 夫君子之於道也... 其入之歸土... 夫君子之於道也... 其入之歸土...

